

焦太史編輯國朝獻徵錄

焦太史編輯國朝獻徵錄卷之六十三目錄

都察院十

巡撫

楊信民

陳詔

陸矩

徐瑄

李侃

盧祥

鄭寧

張岐

岳璿

張綱

王朝遠

汪霖

左鈺

楊繼宗

寧杲

王哲

楊武

謝綬

王雲鳳

吳世忠

王純

張璿

王德明

歐陽重

汪玉

陳察

李淮

劉葵

徐錦

李宗樞

陸瑯

侯鉞

李良

趙時春

阮鶚

侯汝諒

唐順之

趙錢

溫景葵

王鎬

吳維嶽

楊豫孫

劉祐

侯于趙

陸樹德

孫維城

馬文煒

姜璧

江東之

山陰張耀芳

全校

吳興茅元儀

錢塘徐象揆

刊行

焦太史編輯國朝獻徵錄卷之六十三目錄終

焦太史編輯國朝獻徵錄卷之六十三

都察院十

巡撫

僉都御史恭惠楊公信民神道碑

廣東

丘濬

正統己巳 車駕北狩胡虜乘機犯我畿甸時廣東
左叅議楊公坐事居京邸 朝廷用言者起公守白
羊口是歲廣東都司囚越獄有司不能捕送至哨聚
守土者閉門自守召邊將禦之至則爲所敗報至
京師廣人士寓京者聯名上章乞公 朝命授公都

察院左僉都御史乘傳往至則廣城被困者數月矣
城中軍民喁喁然朝不謀夕見公至始有更生之望
先是民之居鄉落者避亂趨城至則閉門不納及臨
盡爲賊所戕脇從者日益衆公下令有司用木爲牌
給民從其出入又榜示於外遣官招撫之於是歸附
者日以千萬計賊勢日孤公偵其有嚮順意遣使往
諭之賊首黃肖養曰吾輩得楊大人一言死不恨矣
尅期來見賊果至公毅然欲往藩臬以下皆沮其行
曰賊意叵測奈何公曰吾以誠待之毋慮也公出見
賊羅拜泣下公諭以禍福且諭以更生之路賊衆以

大魚獻公受之不疑遂謹譟而去期以再會未幾黃
都督統大軍至賊遂中變歲庚午三月五日有大星
墜於城外對岸之河南十二日質明都指揮姚麟者
來白事公出與之語姚旣出公忽病作扶入臥榻即
呼其子玘曰我死矣不能終始王事知我者其天平
語訖瞑目而逝城中居民聞公卒信疑相半旣得實
爭走哭館下雖老嫗稚子亦至失聲滿城縞素爲位
哭奠者相屬陷在賊中者聞之亦曰楊公死吾屬終
無生理矣計聞 天子悼惜遣官諭祭如禮公卒後
僅閱月大軍卽平賊凡賊所經之處盡屠之民受刑

者輒仰天號曰使楊大人在吾人豈受此禍哉既而
耆老黎善聚等赴京乞立公祠從之事下爲忌者所
沮忌者旣去有司始立公祠於廣州府城隍廟之傍
水旱疾疫必禱焉民有事訟於官不得其平者輒具
詞焚於祠下廣人至今過其門者輒舉手加敬嗚呼
古所謂生爲豪傑死爲神明者公非其人耶公諱誠
字信民以字行紹興新昌人也領永樂庚子浙江鄉
薦宣德庚戌由上舍選爲行在工科給事中丁內艱
起復改刑科正統癸亥吏部尚書王文端公薦佐廣
藩陞辭受旨許以言事公旣抵任時按察使郭智奉

勅整飭兵務事多自專公首疏其不法事郭遂去任而黃翰來代之黃所爲益甚公復上疏發其奸詞連僉事韋廣廣亦誣詆公俱逮下獄公就逮啟行時廣人爭攜金帛就舟相贖公一無所受而黃舟則爭以瓦石擲之旣至法司鞫得實黃坐除名凡奏公他事皆涉虛惟鹿鳴宴簪銀花一事行勘尋白廣之軍民狀公德政相率赴三司保畱乞備其事上聞亦有旤涉萬里直詣闕庭者前後以數千計及公在白羊旣受命邊城官軍不忍其去亦赴官保畱之公之所至得人心如此公宅心仁厚見人有患難不啻在已汲

汲然爲之惟恐後惟疾惡太甚見人有不平事輒扼腕爭辯用是見嫉於人方在學校時見儕類有過舉者輒切切不置及有當爲事衆方推避卽奮身爲之人多以矯激目之久之見其事事皆然亦皆帖服葬母時倩夫舁塚石每夫公代其舁數百步人逼乃止或曰何自苦如此公曰葬吾母而專役他人於心安乎家居時聞鄉鄰兄弟不睦或構訟者輒至其家勸之不從明日復至人雖拒絕之不厭也必從而後已邑有朝妃渡每歲爲暴漲所阻公率衆督工堰石爲步至今行者過之必曰楊給事中力也官禁近時嘗

一奉勅整點江西軍伍所至求民瘼除宿弊事竣回
條上所詢民情五事皆當時急務及佐廣濟時承平
日久禁網疎濶嶺海之間民物殷富仕者類以黠貨
殃民爲常公至一以廉潔爲心而凡事行之以寬公
退之暇卽出公署門徐步街衢間詢問父老以民間
利病反覆款曲必得其情而後已嘗有民以公事至
長藩者欲繫諸獄公曰彼無罪姑遣之去至期自來
可也長曰彼無保任者公曰僕保之民感公恩信縱
之去至期皆自來公所以感人心者大抵此類也嗚
呼今世之爲政者豈復有如公者哉公卒後二十年

是爲成化己丑朝議凡大臣有功德在人者皆加諡
贈賜公諡曰恭惠

都察院右僉都御史陳詔傳

福建

實錄

陳詔浙江青田人宣德五年禮部會試第一歷監察御史四川按察司副使僉都御史爲人平恕周密無怙勢賊物之失閩中盜起詔奉命往宣德意以安輯之革心向化者多景泰二年九月還京卒遣官諭祭賻以鈔幣

都察院右僉都御史陸君矩墓志銘

廷綬

蕭 鑑

景泰六年二月七日叅贊延安綏德軍務中憲大夫
都察院右僉都御史歸安陸君以疾卒於邊訃聞
上爲之悼惜旣遣禮部官諭祭又命有司給舟還其
喪歸安治墳以葬舊制朝臣四品以下無治墳者蓋
特恩也君諱矩字仲輿陸氏世家湖之歸安曾大父
原周大父子真皆不仕父諱斌以君貴封奉政大夫
刑部廣東司郎中母潘氏封太宜人君生四歲郎中
公坐累謫籍河間之阜城以故君爲阜城人弱冠補

邑庠弟子員宣德己酉京闈中式第癸丑進士授刑部四川司主事正統中陞本司郎中未幾丁太宜人艱服闋改廣東司奉命從征閩寇今上卽位以功拜都察院右僉都御史尋鎮守真定諸郡以郎中公喪去位起復遂有延綏之命初君爲主事卽究心刑名而時事尤所練達時尚書匡南魏公以嚴憚稱然獨喜君每大獄付三司鞫問輒授君起草君雖執法不撓而能濟之以寬數見聽用又嘗勅三法司審在京疑獄君於其間尤盡心委曲賴全活者甚衆其爲郎中也有歐榮者以邪術魘魅論死連坐者十數人

當此時凡錦衣衛官校所廉得者莫敢議君獨議其
寃大理寺審錄未允劾君當落職會御史陳克昌論
列其事詔多官覆按一如君議遂領職如故於是君
聲聞益彰其從征閩寇適尚書淮南金公總理軍政
奏君自副是時主將不戢士道途所經民不勝其擾
金公嚴禁制之凡號令敷奏之文一出君手軍士屏
息不敢出氣至則賊渠已歿餘黨據山寨自固官軍
分道並進君與副將保定伯梁珣獨當一面所力以
攻刻日破之擒其僞將而盡釋其脅從者闔境以平
君之功爲多其鎮守保定諸郡當虜寇侵掠之餘民

往往離散不止君招輯撫綏之百方發德州康粟數萬石賑其饑者民志始定有張都督舍人監王者乘勢奪民田莫敢與迕君卽奏論之抵罪而歸田於民民乃欣然相告語蓋襁負而還者如雨比公之受軍民父老連章奏留之君懇陳於朝始得去其叅贊延緩陸辭 上賜之楮幣二百錠璽書諄切蓋以西北重鎮委君也至軍獮令一新未踰時廢墜者口以修舉邇人私相戒曰今叅贊公非故叅贊公之比不可犯也明年春方行邇冒風雪得疾亟還竟不起時年四十有人將佐以下弔哭之皆哀軍士有出涕者京

師之人聞之無問識與不識皆嗟惜焉君性明敏疏達而溫然可卽勤學問工楷書事父母盡孝道其兄仲翰早卒鞠其遺孤子女如已生友其弟平敬之必期有就蓋父子昆弟之間無間言焉處鄉黨御車下無賤貴疎戚必盡恩意有不給者周之惟恐不及與人交終始弗渝嗚呼若君者可謂純篤君子者矣

中憲大夫右僉都御史徐公瑄墓志銘

廷祿

商輅

公諱瑄字子敬姓徐氏蘇之嘉定人高祖道瑞曾祖
廷玉祖公行世有積德父茂宗累贈右僉都御史母
王氏贈恭人公天資秀穎自幼嗜學篤於孝弟年十
八已有才名進補邑庠生正統戊午發解京闈己未
丁內艱乙丑登進士第觀政都臺尋丁外艱服闋授
四川道監察御史諳練老成臺端推重景泰庚午奉
命捕京畿盜賊法令嚴明奸宄屏跡壬申巡視山海
關武備整肅內外寧謐癸酉出按西蜀丙子復按東

廣所至福惠郡縣問民疾苦禁戢貪暴疏濬寬滯人心悅服天順戊寅北虜犯我西郡 上特陞公右僉都御史使巡撫延綏慶陽諸處兼贊理戎務公至奉宣朝廷威德訓練士馬撫輯兵民偕一二鎮守總戎大臣同心協謀出奇應敵初與賊戰於孛羅池溝繼進至半坡墩明年戰於金雞峪又明年戰於雙海子斬獲無算賊遁去公籌畫之功居多 上聞而嘉之果賜璽書金幣慰勞公益加感激申嚴戍守督理屯田廣積儲餉修明學政使人曉然知尊君親上之義一時士風爲之丕變無何聞繼母顧氏喪乞還守制

上以西事未寧奪情不允自是出入邊疆觸冒風
露薦罹寒疾甲申上疏乞致仕辭極懇至遂得請而
還因念久歷仕途曠於祀事卽居第左偏創祠堂以
備薦享延師就家塾訓誨子孫處鄉黨有禮撫族姻
有恩遇患難者扶翼之貧乏者賑卹之或與梁朽壤
不便於行者修建之其急於爲義類此初號願貞後
於城東西各買田築室爲遊息所更號野莊道人時
與縉紳士夫往來宴會徜徉自適人謂有香山洛社
遺風公生永樂壬辰九月日享年六十計聞特遣官
卽其家祭之

都察院右僉都御史李侃傳

山西

實錄

李侃字希正順天府東安縣人正統壬戌進士授給事中進都給事中己巳之變一時言官奮言事侃居其間多所建明景泰中嘗面糾戶部尚書金濂格詔徵斂罪有旨宥之侃膝行近前厲聲言濂罪不可宥遂下濂獄易儲議下侃與林聰等初不肯署名既而不得已乃署選官僚以侃爲詹事府丞監司直郎時史館欲採宋元事實倣朱子綱目例續其書奏選文學之士充纂修官侃與焉書未成而英廟復辟改太常丞丁外艱改太僕丞進少卿未幾陞右僉都

建
康
不
城

御史巡撫山西兼提督鴈門等關首奏巡按御史李
傑不職傑坐除名貪墨者望風斂避有生擒虜酋小
石愛子者虜備駝馬來贖侃請歸之以結其心從之
時邊方無事侃於同圍廣儲選將厲兵之外專以變
化風俗興起人心爲政時時有所建請施爲多合人
情惟欲令吏胥服儒巾以變革其心頗近於迂尋以
丁內艱解任軍民擁留至不得行服除再陳休致如
所請成化二十一年九月卒年七十有九計開遣官
論祭常例外特賜葬侃氣節方剛論議持正無所回
撓好學嗜書平居手不釋卷性尤孝友事親備極孝

道虜犯京畿二親在客城請告冒白刃迎之人以爲
難晚年家居貧甚歿之日幾無以爲殮子二人中進
士德恢今爲嚴州知府德仁刑部員外郎

僉都御史盧公祥傳

延綏

黃佐

盧祥字仲和東莞人幼多技能年三十始習舉子業往從其兄全州訓導寬游正統戊午遂領廣西鄉薦壬戌登進士高等擢南京禮科給事中多所論建凡六年丁外艱服闋補吏科論北虜也先僭號之害劾大臣王文項文曜等奸惡爲人所畏憚未幾以言事謫山西蒲州判官慷慨就任以下條自處或訟之則曰吾素位而行也天順改元召爲禮科都給事中章疏剴切多見聽納戊寅陞南京太僕寺少卿尋以內艱歸甲申補順天府丞其冬升都察院右僉都御史

巡撫延緩至則嚴武備肅紀綱明賞罰屢平虜寇朝廷有白金文綺之賜議者欲進其秩宿與銓部有憾遂爲所沮因以書抵其外甥祈順思求退休順答曰昔人謂使管菟裘吾將老焉論者有猶豫留時之請舅何爲而不早決也丁亥冬得謝歸明年五月卒年六十六祥以氣節自高性寡合與同官林聰獨厚凡所獻納必協力成之故其名稱亦相頡頏云祥嘗學春秋於安福吳節攷其子士廉從子岬鵬鵬俊皆預賓興由是邑子之學春秋者益盛所著奏疏詩文號行素集藏於家

會都御史鄭公寧傳

宣府

李 濂

鄭公寧字志道別號靜齋世爲開封之祥符人正統辛酉舉於鄉明年壬戌登進士甲子授刑部湖廣司主事三載考績推封父母如其官己巳擢本部陝西司署員外郎未幾改湖廣司景泰改元庚午銓注江西司員外郎六載考績擢廣東司郎中公之在刑部也十五六年精於法比諸寮遜服直隸顧山周氏武斷不法事聞公奉勅往勘周託一京職懷金夜餽置牀榻間速出公追而還之曰勘問自有公道何庸賂爲其人慚謝公竟寘於法壬申間外艱還汴有還卒

獲鄰人爲盜者賊咸曰此鄭郎中家物歸之公不受
曰物有相似毋相誣也甲戌服闋復除刑部山西司
郎中奉勅清理南畿冤獄讞辯平反曲當情理用是
譽望益著天順改元丁丑選郎署才望老成者出任
方面公被薦超遷四川右布政使陞辭奉給音丁寧
至再命內帑給寶鏐光祿具酒饌以賜之公入對燒
劇盜趙鐸嘯聚倡亂公擒滅之撫臣以聞上賜綵
幣二襲以示嘉獎戊寅入賀萬壽聖節事竣還任
有唐千戶者妖言惑衆逃避深山中爲皆自固撫臣
徵兵護勦公曰此愚民耳可不煩兵而解乃屏去兵

衛單騎入告諭以禍福千戶咸泣請縛不假兵力而
地方以寧公嘗以公事連坐或唁之公笑曰此公罪
也吾輩公罪不可無私罪不可有耳人以爲名言成
化丙戌公同保國公朱永征勦石和尚等功咸受白
金綵幣之賜丁亥九載考績進階通奉大夫贈大父
父皆如其官尋擢太僕寺卿仍食從二品祿戊子改
都察院左僉都御史巡撫宣府時盛暑築城堡工役
數千人天久早有司祈禱莫應公曰此勞民弗息之
徵也乃下令罷工是夕天大雨稽事有秋遠人胥悅
辛卯聞內艱復歸汴蒙遣官諭祭葬厝南畢詔奪情

起復仍舊職公固請終制不允再至鎮軍民咸迎拜
喜曰我公來矣逾期移撫大同公在邊鎮數年適親
場無事幕府多暇日延見境內士大夫諮詢民瘼次
第舉行甲午以末疾乞骸骨不許凡三上疏始得請
其歸也囊無餘貲居閑十四年服食澹泊數至匱乏
丁未詔在京五品以上官以禮致仕廉貧不能自養
者有司歲給食米四石弘治戊申四月卒公質直謹
愿雖貴顯接遇鄉人殊優厚是故鄉人多稱之論曰
天順成化間汴中士風醇厚鄉大夫致政里居者情
好甚篤絕無嫉忌而人品亦由是可見濂爲童子時

敝廬與鄭公巷相對稔聞鄭公謝邊事而歸與同時
諸老爲嘉樂會每會則薄醪常果簡儉易辦文談情
話真如兄弟焉當是時宦吾邦者如巡撫江浦張公
瑄布政眉州吳公節咸雅重諸老稱吾汴爲君子鄉
且垂念貧乏時有餽遺以爲飲譙之需公同會者十
一人曰都御史婁公良左布政使張公斌丘公陵叅
政楊公鐸副使劉公安叅議賈公恪王公豫僉事呂
公益和公維運使張公遂皆年七八十歲而劉則九
十餘幅巾藜杖禮度雍雍真有古昔敦龐渾朴之風
嗟乎今不可復見矣里俗日始緬懷前輩爲之慨然

左僉都御史張公岐墓志銘

遼東

彭

華

公諱岐姓張氏來鳳字也其先山西徐溝人永樂中徙河間之興濟祖迪夔州府知事父紹交城教諭母遼氏公自景泰庚午領京闈鄉薦甲戌登進士第視政刑部乙亥拜江西道監察御史天順辛巳遷浙江按察副使成化丙戌來考績南歸至杭召爲都察院右僉都御史視院事居無何奉璽書巡撫畿甸明年改巡撫遼東丁遼夫人喪特恩賜祭葬襄事畢卽起復赴遼乞終喪不許又明年以督餉有功轉左僉都御史給三品俸又明年坐累除名歸田里歸贈處諡

復其官仍家居居五年而卒公負氣懷材譏胸次闊
爽明決遇事敢爲視天下事若無不可爲者與人交
披示肺腑耻作喉吻中語事上謹御下嚴待僚佐以
禮然事有不可者斷斷見言面初在刑部郎中以新
進士易之一日宿齋潛攜酒劇飲酌公公不受語侵
之公曰此豈強酒時耶以法律人而自違法若此其
奈何辱我其人愧謝乃已及爲御史讞獄劾奸貪無
所避其在浙也所至凜然郡守衛揮使以下顧指氣
懾莫或敢喘息撫綏畿甸晝夜盡心力民賴以蘇於
遼陽御將士如束濕汲汲剗宿弊剪豪猾卒有相

牽告者事連公朝廷遣官往訊驗之遂逮公至京公
暴處非所不勝忿奏言訊者偏徇并下獄簿責對狀
公痛自悔恨曰吾爲大臣得罪宜卽伏乃若是耶卽
引伏然所伏罪當贖且還職乃竟罷歸公以微罪罷
公卿大夫士過輒跡其門公亦輒與傾倒酒酣耳熱
意氣浩若平生不少沮故人皆意其必復也而竟不
起春秋僅五十

僉都御史岳公璿傳

遼東

李 濂

岳公璿字文璣河南祥符人自幼以穎敏稱博學善辭令景泰庚午鄉舉明年辛未登進士第選授南京山西道監察御史丙子三載考績進階文林郎錫之勅命天順元年丁丑英廟復辟銳意維新之化乃慎簡天下賢俊分任百職尤屬意東南諸大郡而公以才望擢知湖州府下車首詣學宮謁先師孔子廟廟學並廢弗庇風雨公喟然曰廟敝如茲何以妥靈學敝如茲何以造士乃諭郡中好義者咸助貲修之而先捐已俸爲之倡復擇諸生耆民篤實勤敏者命

之監曾工役逾年落成舊時春秋丁祀樂舞久廢公
敦延太常矚於樂舞者董正大成之樂以肅祀事觀
者改容郡有何山晉何楷讀書處在道場山之西南
楚宋安定胡先生寔葬於此公曰斯郡爲安定先生
過化之地而墓在境內吾不可不往謁之至則封鬲
荒涼樵牧擾擾乃考定侵界而封樹之禁樵采者弗
得入故有表思堂碧澗菴乃祀先生之所亦皆廢乃
又捐俸爲倡而僚佐以下洎郡中士大夫皆樂爲之
助立神道門開淤塞路構堂六楹追蹤表思碧澗之
制以嚴先生之祀君子以爲有裨風教云郡城之內

有水橫貫於南北曰雪溪溪之上游有長橋焉名伏龍橋又名東駱駝橋寔往來所必由者故有橋以木爲之屢修屢圯公曰此非經久計也乃以石易木環以三洞規制宏偉民至於今利之先是湖州屬邑田賦科額不一而加耗無定則吏胥詭弊滋甚公疏其利病於朝乞每畝正賦外加耗一斗餘悉蠲去制曰可遂著爲令郡邑稱便公在任九年民懷其惠成化丁亥考績受誥命進階中憲大夫尋擢山東左叅政未三載聲稱著聞超擢都察院右僉都御史巡撫遼東南履任遽卒時辛卯七月也得年五十有二所著

有仕優小稱公襟度恢廓不屑屑細故臨民以寬裕
事苛刻而事亦無不舉者故所至人思之論曰余嘗
會司空歸安蔣公瑤於夷門時公以副都御史巡撫
河南亟口稱岳湖州政蹟以爲今不復可見且曰岳
在湖州則爲名宦久已祀之學宮與安定胡先生聯
俎豆蓋胡以教岳以政也其在祥符則爲鄉賢宜與
韓伯俞聯俎豆蓋韓以孝岳以忠也余歎賞其言今
開封郡學祀岳公於鄉賢祠寔奉蔣公檄云嗟乎岳
公歿殆八十年其家衰削無應門之童余爲郡諸公
作傳數向其家索事實片紙無有也聊據所聞於父
老之口及湖州上大夫所稱者書

中憲大夫都察院左僉都御史張公綱神道碑

順天

劉珥

大振張姓綱名上世本順天府密雲巨姓國朝洪武
初徙山東濟南之長清今爲長清人大振儀觀端厚
性行純雅平居未嘗疾言遽色待人平易近情君子
曰張公古君子也凡六經百子古今故實靡不精覽
形爲製作惟理是主弗事雕刻尤深於易景泰庚午
高舉東藩主考錄其文於梓以爲學者式甲戌登進
士授監察御史奉法不撓人不敢干以私時有爭鬻
指揮者曰羅琪羅理理結權貴欲強得之大振不可

事歸於瑛軍府支屬有隙會曰此重事非其人恐弗
濟大振奉命而往一聽審之是非昭然具疏以聞載
遣太監覈之一依大振所擬巡按湖廣有死罪六人
臨刑大振擬其寬及廉其跡果寬辨之得免湖湘風
俗甚漓以葬爲末務婚姻必論財大振出榜曉諭民
用丕變率遵古禮再巡直隸罪人王恕等數輩有司
置之死大振曰某犯律該某罪某犯律該某罪據法
得不死咸釋之民家有犬傷人有司以犬家償命大
振曰犬物也而以人償命是視人與犬同卒辨出之
至今民家爲立祠以祀用是人稱曰老包蓋擬之爲

包拯也成化丙戌陞江西按察副使浮梁窰廠積弊
深痼爲痛革之民心稱快又吉安諸郡投狀無虛日
狀必連數百人大振一一剖析不數日囹圄空虛察
屬敬服庚寅陞湖廣按察使下車之初見三司設鋪
戶倍買市物剝下益上卽革之大植風紀搏奸盜滌
巨蠹有司望風膽落吾民得以安堵風槩氣節炳耀
湖南未幾陞左僉都御史奉勅整飭邊備自山海關
直抵居庸紫荆等關凡城堡隘口低淺者修之傾圯
者植之又於要害處設欄馬大石探頭欄以拒胡虜
之衝突軍職自都指揮而下不職者黜之邊事稍寧

蘇慶順天府地方慮民怠於農事奏置勸農官栽植桑棗無慮萬萬株至今民食其惠又以各處倉廩空虛奏行有司積糧備荒歲前後所上章疏大抵皆爲國爲民之言用是人稱曰得體蓋道其不屑屑於細務也三年滿奉勅賜封贈如例丁酉五月偶得風疾卽疏曰遑關重地社稷攸繫臣菲才恐孤重托況加以疾令於京師療之又疏曰臣延醫京邸近一載未愈是終不愈也上憫其誠遂允所請歸家未踰年而不起計至朝廷遣官致祭并治葬域云得年五十又五生永樂辛丑三月日卒成化戊戌五月

都察院左僉都御史王朝遠傳

甘肅

實錄

王朝遠名漢以字行江西進賢縣人景泰甲戌進士授監察御史天順中坐劾石亨等姦狀黜知衡山縣會天變未行祭未巡按廣東時廣西徭蠻越廣東境縱橫猖肆前此巡撫者匿不以聞朝遠至則巡撫者既去以聞於朝始命韓雍趙輔徃征之不然兩廣幾於不守矣成化乙酉巡按浙江戊子陞陝西備邊副使時西北邊有警宿重兵榆林魏伯圭絕朝遠多方輩運師輒以濟以功加三品休寧進陝西按察使久之進左僉都御史巡撫甘肅未久以疾乞歸成化十

六年七月卒朝遠喜事功頗以才能自負歷官亦寡
過然其所建立亦不能稱其位云

都察院右僉都御史汪霖傳

蘇鎮

實錄

汪霖字潤夫直隸六安州人景泰甲戌進士授監察御史征兩廣紀功還陞大理左寺丞秩滿陞右少卿尋陞都察院右僉都御史整飭薊州山海等處邊備兼巡撫順天等府成化十六年四月卒賜祭如例霖溫恭儉素不立崖岸在大理時亦僅僅循常轍惟還撫京邑時汪直勢焰可畏所經行處守臣極力奉承之惟恐後屢往遼海道霖鄙內霖待以常禮直怒有不平語或以語霖待之不改其常直久之怒亦解其後奉承者因之以敗君子以是多霖

都察院右僉都御史左鈺傳 山西 實錄

左鈺字廷珎直隸阜城縣人自舉人選授監察御史
陞陝西按察司僉事理環慶等處兵備遷副使成化
十四年預征岷州番賊以功陞從三品俸十八年進
按察使十九年召入爲都察院右僉都御史巡撫遼
東改蒞大同旣而召入理院事二十二年復命巡撫
山西兼都督鴈門諸關弘治改元以言官劾之致仕
三年七月卒賜祭葬如例鈺爲人通敏有權略善以
言語中人意初韓王取殷子自紹事敗連歲不決鈺
爲僉事承接之一訊得實時稱其才又嘗以事忤太

監汪直輒以辯說免禍云

都察院左僉都御史楊繼宗傳

雲南

巡撫雲南都察院左僉都御史楊繼宗字承芳山西陽城縣人天順元年進士授刑部主事陞嘉興知府九載秩滿超拜浙江按察使以母喪服闋起爲右僉都御史整飭薊州等處邊備兼巡撫順天等府爲治中陳翼訐奏左遷雲南按察副使進湖廣按察使未幾復擢右僉都御史巡撫雲南道卒時弘治元年十月也訃聞遣有司致祭繼宗廉介峭直人莫敢犯而爲政恒便於民其在刑部時憫獄囚多瘼疾者每特其飲食令三日一櫛沐全活甚衆在嘉興惟以一蒼

頭自隨有富民張姓者坐侵盜官絹繫獄御史張敷
按臨日卽入獄黥囚指問曰是無失主繼宗曰朝廷
卽失主又曰無原告繼宗曰知府卽原告御史慙而
退布按司官行部者事畢卽去不敢久畱其境旣去
民懷其善政爲立去思碑在浙江憲度甚肅初藩臬
諸司所用多取辦於民中官鎮守者供億日費萬錢
繼宗一切革去以憂解任時悉取屏舍中器物籍付
有司篋中惟書數卷衣數襲而已及爲御史時畿內
多權貴莊田有侵占民間者奪而還之其風力如此
繼宗歷官中外所至有聲而其行事雖未免過當然

氣節有足尚者

楊公清政錄

吳道賢

公名繼宗性資鯁直言動不凡稜稜有風岍觀政刑部卽有能譽時福建司缺員每淹禁數百人尚書軒公命公往聽之不旬日曲直皆判衆論奇之金吾千戶李銘偏愛欲襲其庶子誣嫡子不孝將決公疑而再鞠之竟得其情河間府獲強盜遣里甲張文郭禮解送京師中途遇夜盜自釋刑具而逃張語郭曰人言縱盜者罪與盜同予二人俱死不若畱一人汝母老寡兄弟汝可爲解人予爲盜可全汝母子之

命郭威謝張以刑具自服到司公疑其言動非盜疑而審之得實二人遂俱得活其真盜後亦爲人所擒云 嘉興素難治王忠肅公以公薦公不攜家累止蒼頭一人若旅寓然六事備舉尤加意學校三四載積粟數百萬歲饑民賴全活而浙東數郡又移以賑之下車屬吏參謁卽戒之曰近民之職惟守與令而已其長賢則僚佐皆賢爾爲四民之父母庶官之視效可不謹哉爾有不職較之僚佐必加罪焉我不輕貸自是終公之任官屬少以墨敗者 每牀爽時會書畢卽銷倒批文恐妨民日力凡上司文移至期三

五日完少濡滯卽責當該官吏其准民詞慮有不能
自達者自是日無限期門無阻遏巡守每經歲一至
郡府治安靜而公猶缺然不自滿足謂七邑之衆我
豈能悉得其理往往諭四境有冤獄聽令上司告理
而民終無片紙隻詞赴訴 額賦有夏秋二稅夏稅
視秋僅百一而會計催徵之法里胥比併之勞與秋
等糧長緣是侵漁數倍况時值耕種小民不堪暴斂
往往逃竄墮業公乃立法併於秋糧中徵之由是民
得安於田廛公後會計秋稅歲得羨餘若干補其數
故終公之任夏稅悉蠲民至今德之 國初民不樂

在學校乏人每提學考選里胥必以其響應而人又多以計脫公嘆曰人才國家之利器今若此何以爲國乎乃廣建社學擇師爲教八歲以上不就學者罰其父兄歲終羣試進其秀者補弟子員復其家調其不給時與諸生講解經義點竄文字季考先德行次文學以勸懲之又刻惜陰警世二旨及方正學宗箴九首頒示學者人知向學寔自公始郡之科徭往往出派于丁田公懼有假是以營私者乃預據每縣黃冊通籍每年丁田之大數凡若干科徭定額凡若干計畝及丁該銀凡若干其拋荒優免加派者不與

焉每歲發縣按而行之其田多力寡者使之出銀定
爲柴薪皂隸之類田少力衆者使之出力定爲祗候
弓兵之類哀多益寡彼此均平用是民無漏報官無
擅科今有定額不出五千而違例斂至萬計曰空闕
銀民於是乎重困而益思公不置云 民俗嗜鬪輒
壓溺小兒以誣人被誣者雖不至抵償然檢勘再三
則吏件里胥及勘官之不廉者乘機需索所費不貲
往往家破而身或不保公知之時加曉諭有犯者必
反坐如律若毀其什物而有所詐取仍追償之自是
民知所儆而小兒之獲全者多矣 府縣編食舖戶

以供買辦官多以賤直與之亦有全不給而反罪焉者且所買動至千百或販易以規利及官府所有又高價散之民不能堪怨譟載道公一切革去之市井晏然 土豪張某縱惡害民盜賊多窩聚而歸其賊家益饒裕且交結權要府縣相視以目莫敢發一言公下車時張某刼桐鄉起解官緝公廉之得實縛而寘之法會當道行郡張厚賂之召公諭以張無原告爲辭公曰知府朝廷之民牧也而張所盜者官緝何原爲若欲原告請以 朝廷爲失主楊某爲原告當道語塞慚愧夜半馳去張竟以罪死於獄人咸快之

成化間清軍孔御史按郡里老多被誣楚至死者
公揭示要衢曰孔清軍打死人役赴府報名孔見之
無如公何而刑酷如故公入告之曰爲治貴識體今
公以侍御清戎但當剔奸剗弊勸懲官吏而已若逐
里清審此有司之事非憲臣體也孔不能折乃委其
事于府臨行亦欲訐公之短直入公衙公遂引入臥
內几上惟圖書數卷床頭一衣篋公復啟而示之孔
愧服而去 屬亢旱苗盡稿深憂之於是去冠帶跣
足走烈日禱於城隍引罪自禱畢須臾雲起雨下如
注田野沾足秋大穰 於郡邑學官皆優以賓禮見

必茶話移時乃去賓興有宴必列之上坐曰吾爲郡
父母諸君則教吾子弟者也義同賓主豈可與屬吏
班哉其有倦教亦譙讓之曰有司廢法貪墨其害止
於一時然未嘗不受天道之報學官不能盡心教人
致誤人家子弟其遺害有不可言他日天道報應又
將何如耶自是師儒各相砥礪惟恐有過云 臨春
秋大祭不惟品物豐潔且極其誠敬齋宿必拉僚佐
處於郡之慶嘉亭令不得有鋪設床褥之費雖其他
郡屬之祀恭恪亦不少替旣至壇親取其羹嘗之有
不精潔必責之執事 凡義夫節婦孝子順孫必廢

訪之雖未應奏請旌表者亦必親過其間誘掖獎勵
使民知爲善之榮重禁民之游手無賴者博奕樗蒲
之具人不得鬻而宿娼之戒尤嚴毀淫房殆盡至於
符錄師巫邪術之家皆痛懲之 政清訟簡長吏按

部徃徃不越宿而去時有中貴人以監織造來聞在
他郡橫加箠楚以要重賄公戒堂長弗之賂惟遠候
之彼亦稔知公名重其遣人相迓也因問公嗜食何
物公北人好食麵衆以是對旣至卽款公於舟中以
金盃行酒公執而笑曰是無乃太僭也乎已而曰郡
民難於供應請無久駐中貴遂辭去 嘉興七縣

種既他郡爲治繁糧長人役有多收斛面尖頭事發
公嘆曰是弊自上始設無所規取下之人敢縱放如
此哉於是先葺官糧官吏之路遺後治其罪故比時
徵收石米但增三升而已頃年以來少至四五斗多
則陪而徵之不知其利何歸也 生員汪願家募田
與豪右地宅相界欲兼併不得遂誣以不法事比提
學校郡試諸生唱名獨不及願公問焉提學公曰願
有發其過惡者將黜之公曰願在學有文行必以地
界之故爲仇家所訐耳請視其狀果然願得白後歷
官王府教授 郡民有懷悅者家富多善行公每保

全之既滿去悅子生貝沐送至蘇公諭之曰財者累也我去汝家亦自此多事矣汝當策勵以持門戶既出百金爲贐公笑而却之後果有以軍事誣懷者家道竟以不振 凡民一見問姓名雖數歲無不識者秀水民周可立公嘗見而識之未幾以罪匿補之弗得後幾年更名立復充他圖老人以鄉民違法事呈公公曰爾非周可立乎吾求爾數載不獲今以違法告人耶若違法則莫如爾者周股栗服罪於是人皆悚懼莫敢有欺 鄉士大夫素服公剛介不敢以私囑然遇祝賀期雖龍鍾老疾皆扶筇而至當隆冬時

禮畢則熾爐圍坐款以酒數行有不至者必人問之
自是舉行大禮肅然如在 朝廷焉且知其人未嘗
不恤其後有知縣趙完居官廉謹家甚貧未幾縣僉
其孫宣爲府門子公見其雅傍問之乃完之孫也卽
日免役仍責其縣之定均徭者 雅持儉素食用不
厭粗糲嘗飯同僚於外館所具惟菜肉而已他官或
至羅列則語之曰此無乃民之膏脂乎及鄉飲賓與
之宴則務欲豐腆若出二人其豐儉適宜如此冬夏
之服惟紗段一襲必用本等綉補叅謁上官無異平
居雖朝覲謁見必服之或曰不可公曰此乃制服也

舍此將安服耶當道知其人亦弗之訝 成化初中
官汪直用事竊弄威福勢傾中外大臣將相多出入
其門公朝 覲至京直聞公名而未識欲得一見公
執不往人皆爲公危公不爲意直亦敬憚之 郡張
昇者父子兄弟號爲四凶結黨害人事發則以略免
公召語之曰汝輩爲惡日久若能改過不汝咎後犯
又賂臬司欲脫之公不從父子俱寘極刑民歌曰虎
灰害除其樂何如烏府受賂黃堂不輸 屬邑有孤
子王得兒生七歲父母早沒家甚富裕稱十萬王家
族人利其有將陰害之公聞之以其家貲盡貯府庫

長而有室乃盡還之 獄有重囚久繫者賂遺獄卒
皆縱其鎖匣一夕逃者七人公遣人捕之弗得禱於
城隍廟越數日忽夢神告囚所匿處遣人搜之果得
其三其四亦爲近城人所獲公之行孚於神明有如
此者 公能察識天文凡言水旱陰晴輒驗秋將納
稼時天極晴霽人多緩稽事以俟堅好公忽屬耆老
而謂之曰大雨不日至矣農人宜急收刈言之數次
人不以爲意旣而大雨決旬禾之在田者生耳民皆
神之 兵書項襄毅公在 憲廟時掌都察院劄于
戶沈頑怙勢爲惡公每升堂僉一白牌令隸立府橋

呼曰告沈禎者入其父子青衣小帽當府門跪伏凡
月餘得其狀百餘俱未有重情乃徐召其父子入諭
之曰吾欲汝改過爲善保爾身家密將其詞粘連爲
卷封志一木桶中公秩滿臨行付架閣庫收貯語其
吏曰日後嘉興有大事方啟此桶人不以爲意終公
九年沈猶不敢大肆及公去勢益張未幾項落職回
東廠訪得禎爲惡狀朝廷遣法司按治將抄沒其
家監察御史佾公責府縣禎爲惡卷案無得官吏酷
受箠楚一老吏忽念曰楊公行時畱此桶試啟觀之
乃卷案一封上批曰權豪勢要之家賊官束手難行

日後充軍充軍乃禍爲惡事也送入察院倡公見面
嘆曰楊先生神人也卽依擬將禎問遼東軍後宥回
前此鄉人欲爲公立廟禎子輪首出銀十兩且曰吾
家向無公在必無所顧忌後來必抄沒矣今得存其
家是公之賜也 郡在黃龍辛亥由奉野稻自生遂
名郡以禾興距今成化癸巳幾千三百年矣適公在
郡嘉禾盛生每莖離根二節間又生一莖秀二穗或
離根三節節間又生一莖秀三穗或生四莖五莖秀
四五穗經歷司蓮缸栽稻二本亦如之郡民范俊等
獻於公謂公德政徵公謝曰郡志古有是瑞此氣運

循環使然耳然人益重其謙德云公守郡九載去之
日郡父老擁車前不使行有抱其履欲解置者彷徨
道傍久不能遣驛門爲拆公命取篋中衣謝父老父
老前爭得衣公遽得登舟行 自郡守擢爲按察使
至浙卽榜示曰訪得鎮守府三察院布按二司及分
守分巡道書手某某等舞法害人自本職到任之後
許令自新否則問遣如法越數日尚有倚戀鎮守府
者公往縛之曰此輩但知利己不知壞上人名節我
當悉爲掃除之鎮守亦聽公執法莫如公何 公在
按察時有常積倉官十餘員以虧糧監併歲久至積

子夷以儉者公謂之莫論其故適倉官送月俸至命
量之正數外尚餘四五斗較他衙亦然且曰此常規
耳公因悟前倉官虧糧之故出而審之得其實欲奏
聞衆懼請於公公曰俸者民之膏脂也食之而能
盡職尚有天殃况正數之外乃其子女所易食其餘
是食其子女也於心忍乎衆因願捐俸設法補之以
釋其罪俱得起送 藩臬諸司供用什物皆取辦下
民鎮守中官供給日費萬錢公一切革去彼權貴者
亦自望風裁省民受其福公至浙素知所屬官員貪
殘爲民大害卽召而與之約誓曰問問凶頑一鄉之

害士大夫皆知爲民除之不知已身爲萬民之害所
謂責人則明責已則昏如子女玉帛之兼致車馬器
玩之並取大肆貪酷作進秩之階廣交勢要結固位
之具爲害無算今與所屬約誓欲除在民之害先除
在已之害二害咸除一方廼寧以是大小官僚恐懼
奉法無敢犯者 成化庚子鄉試公爲監試官得二
上卷卽具服焚香再拜同事者詰之答曰人臣以得
士爲功二子皆奇才也他日當大魁天下吾爲朝廷
得人賀耳及開卷乃王華李旻也復曰儒士王華當
作首但非由學校作養無以激勵後人因以李旻爲

首後王華中辛丑狀元李旻亦中甲辰狀元衆咸服

其知人 呂文懿公原在內閣嘗聞 憲廟以廉吏

問汪直直以公對后公掌浙臬每發鎮守張慶之弊

慶兄敏在司禮時 上前以語中傷公 上曰得非

不要錢之楊繼宗乎敏惶懼因遺書於慶曰可善遇

之 聖上已知其人不久擢去矣 聞太夫人訃卽

日奔喪命吏檢其所用什物歸於官其行也惟大明

律一冊衣數襲而已制終詔起陞右僉都御史整飭

薊州巡撫順天地方 薊密邇京輦皇親太監公侯

駙馬都督等官管庄家人義男侵占軍民田土園圃

及種蒲藕蘆葦湖蕩根株盤據其來有日無敢問者
公至被害者望風赴愬公曰巡撫以撫恤軍民爲職
舍此將何撫乎自上賜及價買外審係侵占軍民
者悉奪而還之豪貴斂跡幾旬肅然公撫臨黑水濟
石門塞黃土嶺等處閑塞皆塊石乾砌或道路茅塞
或倒塌污穢或用鎗架作營門公仰而嘆曰朝廷差
鎮守爲腹心巡撫巡關爲耳目總兵爲藩翰腹心之
臣欺心不言耳目之官蒙蔽不奏藩翰之寄廢弛不
修遞相欺罔延至今日如保障何卽命各分守參將
等官加倍修砌檢卒守瞭一時關塞壯麗士卒精強

虜寇畏矣 公謂太壽山半俯仰太監等曰虜賊
是 皇上至尊無對中坐文武百官東西序爵而坐
其餘臣民賓客之禮皆賓上主下或賓東主西此古
今定禮也近來內臣妄自尊大在上中坐令客東西
坐僭行君臣宴享之禮殊失賓主之儀無乃不可乎
廖太監等雖勢傾中外聞僭行宴享數語竟莫能難
卒從公議云 成化乙巳正旦星變有聲如雷二月
地震二次貴縣平地崩陷湧出水泉太山搖動聲響
如雷 上震恐下詔求言公上疏歷指內臣及文武
大小官員大肆貪殘民心嗟怨天出笑異又曰宵人

在位播惡於衆官民供給日費萬錢天人共怒王法難容又曰乞查舊例取回鎮守等官又曰臣劾王珪確論如鎮守必賢如懷恩者任之如巡撫漕運必賢如周忱李秉王竑者任之布政憲使賢如王恕軒輅者任之知府必賢如崔恭王宇者任之下此斗筭之人不堪任使疏上不報公上疏語逆龍鱗銜突內豎未幾假疏濬河源事左遷雲南按察司副使衆多不平其親舊多爲公危者公慨然曰韓魏公有言天下事見得理是便做勿計生死禍福吾何憾耶即日就道畧不介意至雲南榜示曰按察官員專以按察好

弊爲職今本職按察得好弊三事一事二司官新任吹毛求疵凌辱土官軍職索要銀兩各官畏懼送銀多者千兩日後纔不尋事一事二司官出巡帶吏典門子家人索要有司常例多者或十兩五兩或二兩三兩間有好官不從吏典人等撿置本官輒將好官叱罵凌辱一事二司官私役銀銅錫木漆竹皮畫銀銀等匠鍼銀馬鞍粧奩及置造百般器物歲無虛日有司效尤一體置造或朝覲進表考滿送回原籍行奉多者八九十扛少者六七十扛復任從新再造又因公差乃復送回復任從新又造新任官員踵訛置

造全無忌憚勞民傷財固有止極榜出觀者嘆其痛切一時官僚無不震懼時適洞獠猖獗官軍數萬虜之不能下公毅然往諭之署其旗曰雲南副使楊繼宗入其穴衆皆羅拜曰聞公名久矣今至此某等再生日也因詰其生亂之故奏聞區處衆帖然聽撫公之足以服遠夷者又如此公嘗稱海隅童穉婦女見官有廉能幹濟者咸稱爲包待制自古以來名公鉅卿歷代有人獨稱包公一人此真豪傑士也壽止六十四歲吾初仕欲學包公終不能及今已六十有三比此公止爭一歲上疏乞致仕不報公自以爲

不及包裹包羅而克公嚴而惠論者猶以爲過於極
云 撫湖廣按察使初下車未視篆命祇候者汲清
水二三百桶將按察司堂上梁棟下磚石及公座等
處洗刷一次明日亦如之又明日亦如之滌去貪污
之氣三日升堂卽榜示曰按察不明賊官相慶又曰
以迎送爲謹慎饋送爲才能又曰屬官放肆貪賊積
至萬餘兩而貪心不足縱惡毆死人至十餘命酷暴
猶不少減又曰將風憲官知善不舉見惡不拿發煙
瘴地面安置之條畧不介意一時官吏服栗更善如
畏神明然尋陞左僉都巡撫雲南都布按三司官皆

舊僚友視篆之日舉公禮叅拜畢公出位降階另拜
二拜曰明日幸相諒三司官俱不解其意次日疏三
司中貪酷不職者八人奏聞俱落職爲民 雲南土
官襲職鎮守三司措要保勘銀多至三二千兩三司
承行吏典要銀多至一二百兩齋本人要銀多至一
千餘兩各官相沿爲例因循年久全無忌憚公廉知
其弊以奏 聞于上畧曰臣至雲南纔知此弊若臣
不至其地終身不知臣年老多疾臣若不言恐臣疾
後仍無人肯言此弊終不能革乞將前項官員俱登
充軍朝野傳誦以爲能盡言 松韶孫子嘗謂雲南

名宦惟祠王恕老先生一人卑車赴任嘗曰本欲攜
蒼頭一人猶恐子民嗟怨有語曰王恕若來天有眼
陳頑不去地無皮少時讀書家君嘗教之曰學王恕
楊繼宗二老先生可也及長始知楊公清明正直不
忝王公歷官三十餘年行李蕭然第宅田產無增於
舊惟祠堂墳墓祭器等項則極其莊嚴精潔堅固擬
王公焉嗚呼若公者亦無間然矣

左僉都御史竇杲傳

真定

弁州別記

杲蓬萊人弘治丙辰進士任御史杲爲人內深果鶩
好殺戮其天性也正統初北邊盜大起瑾建議立四
鎮捕盜御史使得將家屬不限期日賊盡乃返而杲
爲御史薛鳳鳴皆瑾門下人杲得真定鳳鳴得河南
鳳鳴至則日夜與守備挾伎妾縱飲瑾知之怒譴充
弓手而杲頗嚴賞格募賊勇自將掩捕賊得首虜輒
鳴金鼓盛軍容迎之取生寇手屠披其腸胃斷手足
分懸於四門瑾益才杲超擢左僉都御史操真定會
瑾誅罷歸尋以千金賂朱寧起爲參政復原官徵賦

屬六等大破之遂縱所部兵屠村堡掠城鎮取金帛
婦女梟男子首充賊級人更苦之言官列杲諸罪狀
按驗得實而竟尼寧故不行今 皇帝初卽位捕杲
下獄論棄市竟緣赦戍遼左

都察院右僉都御史王哲傳

江西

實錄

王哲字思德直隸吳江人弘治庚戌進士由監察御史陞山東按察司副使整飭臨清兵備未幾陞廣東按察使正德四年陞南京都察院右僉都御史管理操江明年改都察院右僉都御史巡視江西尋改巡撫又明年以疾乞歸正德八年九月卒賜祭如例哲爲御史頗有風裁巡按江西時鎮守太監董讓怙勢驕縱至隱盜賊不以聞哲首劾之其爲副使於臨清也外夷來朝貢者私市鹽事覺哲請沒入之而返其直人稱得柔遠體後爲江西巡撫病不能事事時逆

唐虞康常以計去守臣不附已者哲自縊所宴飲歸而病或謂縊中以毒云

中憲大夫都察院右僉都御史王公墓志銘

正德五年庚午江西盜起 朝廷選憲臣有風力者

往治之僉以公舉乃自南京都察院右僉都御史改都察院奉 勅巡視于時江西大夫士來問弭盜術公曰在安民既至斥貪吏去苛政民之彊恃力富恃資刑恃贖者束手屏氣不得逞盜聞皆有向化心大夫士又交嘆曰公來晚矣未幾疾作泣迷不忍去云始公以御史按江西所至鄙民隱作士氣表先賢祠

事
美
光
緒

基董鎮守怙勢凌侮縉紳至匪賊盜不以聞人莫敢
何問公首劾其不法數事 上切責鎮守且以治盜
事付公公嚴督有司遂擒盜魁賜勅獎諭時天旱種
不入土公親錄繫囚釋其所當原者數百人翌日雨
是歲有秋又善斷疑獄民有女奴自逃其仇指爲故
殺訟於官獄旣成公覆訊見其有寃色使人密訪女
奴所在得之民家得不坐又有大家被盜因誣其所
怨者賂鎮守欲置諸法公察其誣而出之鎮守怒衆
亦以爲疑後真盜出始皆愧服以爲不可及民爲之
謠曰江西有一哲六月飛霜雪天下有十哲太平無

休歇至今論還接之賢者必以公爲首稱云十六年
陞山東按察司副使守備臨清舉持綱領不屑細瑣
民安之矣人入覲私市鹽罔利事覺公謂不治則法
廢治之則非所以柔遠人乃請沒鹽於官仍給原直
與之時道瑾初橫中貴人有忤瑾斥南京者道次臨
清公置棺埋之人爲公危公不恤也正德三年改任
本司尋以撫按交薦可大用遷廣東按察使未幾進
南京都察院右僉都御史領操江事公言操軍危弱
異日有警不能支其後流賊弄兵江上果如公所慮
至是有江西之命再改巡撫其病實以憂勞所致疾

先中
之相
成不
執已
見如
此

中猶日以江西事爲念踰年病且愈吏部奏將起用而公不可作矣時年五十有七某歲公初歸予言江西都司有以賊革任者福建林公俊來巡視復用之公不可林怒移文語侵公公不以介意且諭三司曰林公先朝名臣處斷必不苟意者爲申稟不詳所誤且令再具事本末以請林公大悔悟卽罷其人弗用因重愛公比歸賦詩贈別送之數程此予所親聞者而狀不及則公之嘉言善行遺逸者多矣

都察院左僉都御史北山楊公武墓志銘

宣府

王九思

公姓楊氏諱武字宗文陝西岐山人也岐山在北公
愛之故自謂北山先世蓋弘農震之後唐承避兵岐
下遂家焉曾祖文秀精星曆術勝國末識東南天子
氣杖劍歸我高祖以功授百戶後辭歸終於家祖
貴博學能文章乃不第歲貢太學終太學生父禮隱
者配孺人龐氏生子全全繼孺人羽氏生公公且免
身母夢月墮其懷故公之生也神骨特異不幸父母
早逝鞠於伯兄全而後恃以底成立者伯兄力也公

舉進士之明年丁巳出知淄川縣是時縣治久廢公下車黜惡弭盜修繕城池疏理冤滯勸課耕織積教倉之粟振維薄之風拓廟學之規崇鄉賢之祀興詩書之教服貧乏之士蓋乏科者且百年乃相繼舉者數人彬彬與名邑敵矣公善用智以此聽訟輒得其情蓋有盜市人糴米者求之不得公攝其鄰居者數十人疏之於庭而漫理他事不問已忽厲聲曰吾得盜米者矣其一人色動良久復厲聲言之其人愈益色動公指之曰第幾行第幾人是盜米者其人遂服又盜田園瓜瓠者是夜大風雨根蔓俱盡公疑其僮

家也乃令印取夜盜者足跡布灰於庭掘村中之丁壯者令履其上而曰令其跡者卽盜也其最後一人展轉有難色且氣促甚公執而訊之果讐家而盜者也瓜瓠宛然在焉又一行路者於路傍枕石睡熟囊中千錢爲人盜去公令舁其石於庭鞭之數十而許人縱觀不與禁乃潛使人於門外候之有窺覘不入者卽擒之果得一人盜錢者也聞鞭石事甚奇不能不來入則又不收求其錢費十文爾餘以還枕石者此數事予皆聞諸涪川細民蓋典史陳璜者黃巖老吏也嘗侮慢公公怒鞭之於庭璜急誣奏公於是涪

川民十輩走闕下爲公訟冤嘗見予予故問諸善政
云公嘗出視淄河謂可溉田指示疏鑿處皆值故渠
歲旱蝗飛蔽天公憂甚齋沐祭蝗蝗息徒行禱雨甚
苦天降時雨竟以有年於是撫巡都御史御史前後
薦而辛酉春考績於吏部其年冬起爲浙江道監察
御史乙丑清理河南軍務及查盤軍器前後凡三年
尺籍器物罔不精審而風裁凜然正德丁卯代歸刷
卷京畿道明年戊辰出按順天諸郡縣時劉瑾用事
事多牽制不可行公蕩然無所迴避雖不及於禍然
猶罰米百餘石至於救任丘邊氏中傷之禍辨密雲

李順殺人之証卽劉瑾亦稱其爲直御史也已巳擢大理寺左寺丞受勅勘視大同邊務若屯田不均軍役耗損諸弊政釐正裁革彈劾不少避邊人誦焉明年庚午起拜都察院左僉都御史巡撫宣府地方蓋所謂北門鎖鑰者公毅然當之而時論亦以爲非公不可冀將大有爲矣未幾瑾敗言者不問才能堪否輒以鄉人爲辭公由是罷歸其里舍乃於城外置墅構寶稿之堂以農爲務藝植花竹必成行列一器一物罔不精好性不喜酒而風致甚高往年戊寅嘗與德涵太史過予同遊南山紫閣諸峰信宿然後別去

嘉靖甲申予往壽德涵尋又歸女得再會公而已丑
冬會葬康生子寬幸復會然是時公已被疾數年矣
風致頓殊執予手不勝眷戀予亦戚戚不忍別嗚呼
孰意其竟不起也蓋壬辰十一月二十一日云距生
天順甲申四月十四日六十九歲

都察院右僉都御史謝綬傳

大同

實錄

謝綬字朝章山東朝城縣人成化甲辰進士授任丘知縣弘治初進南京四川道監察御史陞湖廣按察司僉事守制改四川正德五年陞南京太僕寺少卿六年陞大理寺少卿旋陞都察院右僉都御史巡撫大同贊理軍務明年閏五月卒賜祭如例綬性剛介其在任丘得民心有指揮奉巡按御史之命道任丘不遜綬收勒下獄既而釋之其人愬於巡按巡按遣兵隸來繫綬綬卽往任丘吏民危之相率隨行者以千計綬止之吏民默踵其後以理直御史竟不能加

害其歷官之政多類此

中憲大夫都察院右僉都御史西樓謝公綬神

道碑

于慎行

謝公諱綬字朝章別號西樓先生其上世潞人國初
徙家朝城爲邑望族大父郁舉明經仕阜城丞父珊
贈如公官母某氏累封恭人贈公任俠好施嘗夢一
老父謂曰若昔解裘衣我得免於凍昇而後顯於東
土已而公降兒時器宇端凝不妄笑語十歲能屬文
學使畢公瑜異之成化丁酉舉山東省試甲辰第進
士授任丘知縣其治苑刑緩征修學屢墜日夜問民

疾苦勸課農桑以暇品校諸生執經問難出其門者
鄺閔邊劉諸公皆至卿寺滿考上狀召拜南臺御史
內監蔣琮爲南京守備怙寵放恣至鑿雨花臺起第
公上疏劾琮 孝廟震怒立逮琮下吏庾歿獄中已
改北道條陳時政六條亦見嘉勅出按宣大大將李
翊股削軍士憊蹇不法前使莫問也公列翊罪狀劾
罷之一軍肅然改按兩浙值歲大饑民多歿官輒作
統綺費以鉅萬公奏請裁罷 上亦欣然從之其時
孝廟虛懷受諫公又以廉直見知故所言輒聽如
此晉湖廣按察副使比讞平允楚人德之正德初逆

瑾擅權朝士多納交者獨公無所問遺且與抗禮瑾大恨公乃鉤浙中未央獄罰穀千斛調四川險遠地公曰分當死國險何足避以單車二僕往幕吏或以賂敗屬公訊狀吏夜進千金公固無意法之及見賄入乃怒召其人伏庭下秉燭傳爰書旦日獄成吏入股粟歲餘瑾誅晉南太僕少卿尋召爲大理少卿嘗錄死罪千餘皆謂不寃拜都察院右僉都御史巡撫大同其時虜酋也先旃廬百餘里葆聚塞下數入侵盜公至鎮簡練軍實墾田殖穀威名流聞酋大驚服部落遠徙不敢近塞公又設伏險阨虜騎零抄出入

輒要擊之多所殺傷聖書褒厲焉公之在邊日對將吏商軍方略夜治文書按圖籍指畫山川險易及歲中曲折皆如身履尤好撫卹士卒調給芻糧燕犒無不周至竟以勞成疾卒於軍府訃聞詔守臣臨祭如法後邑諸生薦其行履祀之學官

僉都御史前國子監祭酒虎谷先生王公雲鳳

墓志銘

呂 柟

嗚呼虎谷先生有作人化俗之文有攘夷戡亂之武
有因時明禮之材有援古修樂之具其提學闕中時
柟爲所造士親見儀範身奉教約雖使思孟設科無
以過之當其志固欲使天下人各得其所也乃今已
矣嗚呼痛哉先生年十九歲中成化癸卯鄉舉明年
甲辰舉進士丁未除禮部主客司主事清忠效官獨
立不懼無故足不躡公卿門不赴無名飲宴或詢其
矯激久亦自息 憲宗弗豫禮部沿舊典舉齊醮先

生言於禮部尚書周公洪範曰祈禱罔臣子至情第
行於佛老宮非禮若爲壇於南郊隙地大臣率屬禱
於天三日可不克用弘治庚戌土魯香貢獅子先生
商於司郎中欲却之不從遂袖藁以見於部侍郎周
公經尚書耿公裕皆然之司郎中怒乃又婉曲與語
疏入得允天下傳爲盛事辛亥陞祠祭司員外郎乙
卯部尚書倪公岳因災異倡府部院疏弊政用先生
四事草一懲邪慝二禁給度三停減齋醮四議處
宗室言甚剴切丙辰陞郎中他日倪公默語先生曰
朝廷必欲度僧奈何先生曰當力爭之曰勢已成矣

先生乃疏列千餘言三上皆不報僧道通中貴欲普
度撼以危言先生不動久之 命下度僧不多而逃
軍囚匠不與時人皆喜其有回天之力神樂觀道士
多賭博姦盜教坊司或買良爲娼錦衣衛校尉獲賊
又誣娼巧取其資漸以成風先生皆疏題禁絕之又
奏准天下郡縣皆立名宦鄉賢祠爲後人式並祠薛
文清公於鄉而凡斥韓王微鑒之道號禁言府土木
之科擾 上皆嘉納由此識其名丁巳京城風雷驟
旬各處天鳴地震先生陳修德弭災之道大意納忠
言罷左道齋醮傳奉諸事 上遂下詔求直言先生

又代部尚書及諸大臣條二十三事一勸聖學二接
羣臣三奮剛斷四復早朝五甦軍衛六恤軍士七清
軍匠八重名器九禁私計十惜財用十一崇儉德十
二減妄費十三停踏勘十四節供應十五停齋醮十
六專巡邏十七寬馬價十八恤夫役十九恤工作二
十謹服用二十一疏淹禁二十二開言路二十三修
武備時閣李廣與壽寧侯表裏通惡怨徹中外人莫
敢言先生乃又獨上疏乞斬廣泄神人憤以弭災變
廣怒令道士設醮呪死術以舒恨亦不驗乃令校數
伺先生出入十二月朔聖駕郊天看牲回誣以駕後

駙馬下錦衣衛戊午三月謫知河南陝州命下怡然
就道比至問民疾苦興利祛害惟恐後州城高阜井
深二百尺民難於水乃勸富僧通唐人長子廣濟渠
水入城民皆踴躍日受百狀皆與別白匹夫匹婦得
言其情口訊手判仍應他務人以爲劉穆之之風沈
姓兄弟因甕爭訟則買甕遺之兄弟感謝靈寶有誣
民殺夫而有其妻者邑吏鍛鍊成獄先生察得其情
并其妻皆出之尚書許公進之姪犯法亦治如律許
公稱爲真君子謝其相信之深雨雹傷禾乃單騎過
勸村落穿林入谷晚宿民舍自出米菜食之墜老亦

自襄機糧以從每催徵嚴令禁酒里老不敢求索行
勢豪謀利病民者痛治之以戒衆而又表賢者之閒
講程朱之學毀尼僧寺以正風俗拆太山廟以給學
田於是士民翕然懷服擬諸古循良吏已未冬朝覲
科道官上疏言先生及布政周瑛等經術氣節撫善
鋤強才行政績不凡欲照天順四年例賜衣服楮幣
宴於禮部不果行十月李廣因先生奏漸陳於上
懼誅飲毒歿閏月乃陞先生陝西按察司僉事提督
學校道過陝州父老擁輿號泣如見父母久之始獲
出郭至則教人先德行後文藝鋤刁惡拔信善崇正

學毀滛祠學政肅清三秦風動豪傑之士莫不興起
先生教人讀書自小學近思錄如次及各經史語學
者以聖賢之道曰立志以堅趨向之方主敬以養清
明之氣讀書以究事物之理慎行以致踐履之實勿
妄意高遠忽於日用之常勿過爲詭習出乎人情之
外故以五要肅士心以九容飭士身以上有一行正
士習以九戒敦士禮立四科以待衆士以二十一過
禁士愆立十政以收士辛酉陞副使整飭洮河岷州
邊備州染夷俗頗乖禮法乃申孝弟革宿弊所按部
賦污官吏有望風而遁者軍法嚴明邊卒悅畏西戎

題是傳疏入事并彙約三十餘事皆可常行甲子考
績都御史楊公用寧及御史季春交薦其賢乃復改
提學關中士子相賀曰王先生復來後學得依歸矣
於是士子益自策勵甚至有駢肩接踵向往於道駸
駸乎復周漢之舊者矣正德丁卯陞山東按察使關
防凜然人不敢犯雖同僚事乖理法者亦必曰慎勿
使先生知且嘆服曰王公非今按察也郡縣吏之賢
否博詢諸訟者密記之以行獎貲一時畏若神明時
劉瑾專橫因前官陰使校尉至山東緝訪亦無刺舉
事因以寢八月丁母夫人憂歸己巳服闋陞國子監

祭酒先生始被命欲堅辭友有遺書言執政者誦

太祖懷中士夫不爲君用者當殺身滅家語於是先生父大司徒公曰吾老矣汝置我何處乎不得已收拾平生詩文付門生周朝著藏之泣而就道至無所餽瑾怒欲重以禍竟不能得時國學教廢先生朝夕講說約束太嚴誹謗四出值瑾苛政人皆危之先生不爲動六館士子卒感服先生欲更六堂名教諸生讀小學以上達瑾聞怒曰王雲鳳亂成法欲代邢讓死耶先生以道不行怏怏求去會瑾下獄遂上疏乞致仕時相有忌先生者乃改南京通政司右通政先

上楊
太生

生復上疏陳乞准回籍養病壬申御史楊邦禎通政
使丁鳳都御史石邦秀交薦其賢 上命巡撫宣府
地方先生上疏以疾辭不允乃上楊太宰書其畧曰
山中屢問忠謹之言近者畱王昂一疏尤爲人所傳
頌不聞唐介初貶時潞公有此也執事於是加人一
等矣然介雖貶未幾而復其殿中侍御史今昂旣不
獲還之青瑣則推薦超陞在執事筆端耳他日秉史
筆者書此一行豈不足以照耀千古哉每恨李文達
近稱賢相然惡羅倫淪落以死擯斥岳正坎坷終身
怪貧之陸布政反不得超擢今文達之富貴安在哉

一時快意可畧也後人是非之公天下指視之嚴史氏紀載之實可畏也每日先陰之過者不可補歲月之來者未可追且用舍之間士風所係扶持正人則善類慶而士風振進獎邪人則善類沮而士風頽惟雲鳳於執事可以此言進故不復忌諱况今兩耳皆聾謂治不瘥只當耕田納稅爲賦畝之閑民養親讀書忘歲月之不我豈有夢寐更着冠束帶耶伏望周旋其間以必得遁藏爲幸縱猿鹿於林莽之外投魚蝦於滌澣之中某未歿之年皆執事之勝也稿傳京師人爭錄誦先生再欲辭避尚書迫之行不獲已奉

勅之鎮豪猾久攬權草者聞風遁迹至以便宜從事
將官犯法依律重輕罰米至萬餘石用足軍食先生
號令嚴明法度整肅自參將以下顧怕氣使莫敢喘
息練習軍士率有紀律日戒論防衛如賊在日前虜
畏不敢輕入北門鎖鑰時論歸之兩閩月丁父尚書
公喪歸將士遮道感泣有餽以香帛者不受乙亥二
月服闋八月除職如故清理浙江鹽法先生上疏乞
致仕不允且促使供職先生復上疏懇乞致仕上
不允准養病病痊起用先生曰吾志遂矣先生生而
神氣清徹舉止端重異羣兒年十一歲與鄉人立適

妓女過之同舍生或借其扇潛與妓女赴人宴先生
知之後以扇還擲之地少年趨向之正卽異流俗類
若此長益刻苦自勵穎悟出羣六經百家言一誦輒
不忘文章頃刻立就二十登進士相識以花紅迎賀
却之曰烏用是炫耀爲哉衆嘆其不可及觀戶部山
東司政時廣東陳先生白沙陝西薛先生顯思負重
名及門者尊之若程朱先生聞其言論許之人以爲
允先生負經濟之學以堯舜君民爲心天下想見風
采累辭不出人以道未大行爲恨先生天資豪邁狀
貌魁異知識卓越器度宏遠博學力行以聖賢爲標

的居無情容自少至老如一日常曰一息不敝便與
天道不相似理明義精視國家生民利害若切於身
遇事敢爲機動矢發無留碍一有弛張上下嚮應雖
權力弗能齟齬臨歿生禍福之際有定見不苟趨避
守官清介人不敢干以私歷任三十年治行可采旌
擢之典獨後於人時論稱屈恬不動念拜官力辭再
三乃已一不得志卽奉身而退人以進退合義爲稱
尤篤孝友執親喪勺水三日不入口臥苦枕塊哀毀
骨立妻妾不同寢處有父在一衣不私製一錢不私
蓄自負獎拔善類終始不渝疾惡甚嚴不少假貸家

居屢空茹蔬衣敝澹然自樂門庭內外斬斬五尺童
子非呼喚不敢入宜人李氏貞順莊謹先生相敬如
賓邑宰有貪酷者不時戒諭里人困苦恒注意區處
之或誣罪至死力爲白於官得出後學執經問難語
諄諄忘倦與人接貌莊氣和言與心平可畏而親談
當世綱紀不振則感慨泣下言及奸臣貪官怒氣勃
然鬚髮亦奮有擊搏之狀愛國之誠老而彌篤或放
竹於門騎驢於野不改布衣時行旅農夫見者嘆息
有曰此人入朝天下有福然不理於譏佞之口乃信
於愚朴之民天理在人心有不可得而泯滅者如此

於書無所不讀尤遊於性理之學書法真草隸篆自成一家端勁如其爲人四方人多求之文有氣力不假雕刻模倣而出入古格滔滔不竭詩賦亦清奇古雅所著書有小學章句博趣齋稿讀四書私記若干卷先生爲學守敬義事君秉忠誠功業樹中外聲名滿朝野道德文章政事皆可擬之古人云諱雲鳳字應龍居山西和順之虎谷因號焉父諱佐南京戶部尚書母馬氏封淑人感奇夢生先生於成化乙酉七月二十五日卒於正德十二年七月二十二日

都察院右僉都御史吳世忠傳

延祿

吳世忠字懋貞江西金谿縣人弘治庚戌進士授兵科給事中歷吏科左右給事中陞湖廣布政司左叅議劉瑾時坐累降山東按察司僉事入爲尚寶寺少卿陞大理寺寺丞右少卿正德癸酉擢都察院右僉都御史巡撫延綏世忠鯁介有文學在諫垣遇事敢言凡薦劾皆愜公論嘗論方孝孺練子寧之忠宜表祀聞者駭之巡歷荆襄銳意興革豪猾屏跡爲巡撫畱心邊務虜在河套出師逐之旣失利乃以疾辭其爲人近厚所得俸餘輒分助諸兄以孝友稱於鄉里

嘗以還卒至潮藩或誣同官胡姓者以罪胡與聲相
近誤逮世忠世忠隱忍受之不辯亦不復言瑾誅後
胡以告人皆服世忠之器度爲不可及世忠才不逮
志而用亦弗究家居一年而卒知者惜之

左僉都御史王純傳

宣府

實錄

左僉都御史王純字希文浙江慈谿縣人弘治癸丑進士授大理寺右評事歷左寺三陞江西按察司僉事領兵備平瑞州賊陞河南按察司副使領潁州兵備兼理淮陽諸府屯田未幾改廣東以父喪去逆瑾惡之矯詔罰輸邊粟千石服闋改雲南金齒兵備陞大理寺右少卿時有上變告山東歸善王謀不軌者純奉詔往鞠之同事者欲深治其獄純不能隨平反甚衆轉左少卿未幾陞都察院左僉都御史巡撫宣府時上於宣府有所營建純疏止之不報會與同

事申貴不協遂以疾乞致仕得請還正德十四年三月卒純精於法比性敦朴居官清白衆謂用未究其才云

僉都御史恒山張公璿墓志銘

寧夏

王崇慶

公諱璿字仲齊別號恒山真定晉州人也先世有諱
伯遠者居郡城之北曰新庄生榮榮以紅巾盜起避
地出國朝平定乃復歸業榮生信然俱弗仕信然生
子男三季曰矩者是爲恒山之父云矩少爲州從事
晚年飭躬勵行尤崇義讓封文林郎浙江道監察御
史追贈大理寺丞妣苑氏封孺人加贈宜人蓋生恒
山公者也恒山兄弟二人長諱某仕至山西岢嵐州
知州恒山生而聰慧英發自爲兒時卽有大志年十

四入郡庠刻鴈向學一時並遊者皆推讓之戶曹李君夢陽見其文遂大驚異孝廟甲子果發解正德戊辰舉進士己巳考侍御史第一再考實授復居第一臺卿屠公瀟每指所試獄詞曰是書生乃有老吏筆如此尋掌道事會邊帥馬澄乞討蟒衣恒山上疏劾之風采動朝宁未幾巡茶陝西會逆瑾煽霍凡官秦地者必先納交其親識族屬恒山獨以命義一切拒之莫敢以私干者時將官曹雄結姻於瑾佩征西大將軍印厥子入京過陝城撫按潘臬多趨承者恒山獨不爲禮雄子銜之肆毀於瑾使人伺察者三卒

無所得辛未復巡按山東是時大盜劉六劉七劫掠諸省而山東爲甚臺中被差者多假告而去恒山則慨然請行至則檄下諸郡縣治城池練兵士嚴詰察爲守禦計巡歷所及問民疾苦去吏貪殘復請蠲賦稅表忠烈東人以得更生爲幸先是巡撫都御史張鳳任情害下恒山劾之宰執有欲庇之者恒山再疏其言動之非文移之謬宰執雖甚怒鳳竟罷去左轄姜洪廉正人也不能諂事舊按陸姓者陸遂劾其年邁昏妄恒山力與白之朝論爭傳其疏先是閩人谷大用督兵勦賊謾無成功恒山疏陳三事一曰罷征

御史
奏捷
不用
名

未果二曰冗兵太多三曰事權不一蓋指它者爲地方害也 上嘉納之尋詔大用回無何賊出東萊境上會僉事許君達牛君鸞及邊將劉暉許太輩會兵迎入恒山爲分命祀截指授方畧賊始遁去遂劾各官怠緩縱弛者俱蒙罰治賊平撫鎮以奏捷會恒山曰叅官吾職也至於奏捷卽諸公事吾或附名是借衆邀賞也遂不具奏職者以爲知大體後以公論有文綺白金之賜癸酉還京甲戌春值乾清宮災恒山率同僚御史條陳八事還宮闢復司香早覲朝御經筵掣邊軍去番僧革皇店謹濫功言極剴切 上雖

未納亦不之罪旣而復差南畿提學是時學政寬弛
富室宦家子弟濫名庠校者甚衆及就試多曳白者
恒山於是嚴條約公勸懲革浮靡振篤實雖勢豪無
復假借人以爲嚴毅公明陳天台以來鮮比乙亥轉
大理右寺丞丙子尋丁母憂已卯免喪轉左寺丞嘉
靖壬午總制侍郎臧公鳳疏薦大同巡撫不果旋轉
右少卿贊佐大理後先五年叅駁枉縱卿長或少偏
徇恒山卽反復論辯必使歸於是而後已癸未轉右
僉都御史巡撫寧夏首劾總兵大將之退怯者諸將
三軍莫不凜然慶庶人台沈先倡寘鐫之變漏網免

陳濟惡邊陲正德以來撫斯地者莫敢誰何恒山至
赴訴者盈庭乃憤然剪其枝葉漸及根株庶人始有
懼意又以謀復護衛奏下禮兵二部移文勘報恒山
據法以聞事遂寢庶人憾之陰結官犯謀爲中傷暮
夜聞報罪人就擒恒山以其反狀奏 上遣中官憲
臣往勘庶人徧圖救援勘官利之動爲掩覆恒山與
總鎮亦因有提解之命卽獲庶人納賄私單總鎮喜
曰持此 上聞助逆者當復何說恒山曰奈何爲此
敗滿朝縉紳乎遂引火焚之比至京仰賴 上明聖
得還原職及嬰變故後百念淡然遂上疏乞歸旣歸

日侍兄太守公田園觴咏若將終身西夏士人感恒
山遇亂之功爲建生祠肖像祀兩京臺諫諸君子皆
先後薦於 朝南科丘司諫九仞且特疏謂台沈之
惡不減宸濠恒山之功不下王守仁然當國者受庶
人賂若罔聞知公論惜之已丑詔求耆舊南北言官
劉君世楊周君煦一時疏上同薦乃起爲都察院提
督操江恒山乃振紀綱勤較閱嚴訪緝明賞罰官吏
畏威樂於因循者若以爲過先是 上之建四鄰也
恒山協諸御史萬公鏜上疏忤 旨奪俸南禮部侍
郎黃紹特寵貪汚爲御史張寅劾之黃卽奏辨且自

陳議禮功並示其背刺盡忠報國四字冀動 上心
實復効其罔上並行都察院勘焉尚書某謂黃背實
有字非罔也恒山正色曰原其刺字之意始欲求美
官今幸免國法不能抑彼尚欲誣正人乎尚書默然
恒山得薄謫方相臣張孚敬觀政大理也建議大禮
張以書示恒山謂廷尉鄭公岳曰張言未可誣也自
是乘用遂感恒山爲知己且示欲顯用意恒山因善
辭之自後吏曹推山西巡撫北臺副僉大理卿河道
侍郎凡屢疏俱不果用張相旣罷而李公時繼之嘗
出送王太宰瓊文中有大德大才大功之語恒山乃

笑而弗言李殊有愧色及入相而貪聲者恒山薄之
因與絕交云給事中徐俊民黃侍郎鄉人也深恨發
黃之奸乃劾恒山不能捕盜箠軍官疏入李陰喜
其合已蓋自是恒山歸矣會長郎集今饒州府君以
工部郎署過家乃率諸孫捧觴膝下恒山及其兄州
牧懽甚且謂彼忌我者將以去官爲辱安知我之樂
如是耶由是釀酒栽花治田種圃日惟從事娛老又
嘗自慰曰坐上客常滿尊中酒不空吾當不讓孔北
海矣癸巳詔復冠帶戊戌詔復許致仕兩京部院大
臣臺諫多連疏薦之者方擬起用乃辛丑冬十一月

偶感風寒延至壬寅夏四月二十九日卒享年六十
又六云所著有家藏集東巡錄撫寧錄若干卷

都察院右僉都御史一泉王君德明墓表

崔 桐

世有介丈夫秉義勵操與時齟齬者可謂窮乎斯固
世俗之所窮也君子以爲達焉有若風靡波馳終身
富貴者可謂達乎斯固世俗之所達也君子以爲窮
焉余考一泉王君之出處而重有感也夫君清宛人
諱德明號一泉余日在史館君遺其子舉人闢問業
於余門聞之館寮曰是其父能文章舉甲子鄉試戊
辰進士主司崔後渠奇其文可以魁天下者也余索
其所爲文得經義若干首古文若干首果有奇氣可

編也又聞之朝士大夫曰是其父有異政章章在人耳目者也余求其實筮仕封丘知縣劉瑾黨廖鵬奉毒河南三司以下咸受指使君獨不屈上官以爲異已苦以難平之訟君易易理之庚午鄉舉鵬之子鎰冒籍祥符貨文士代筆御史輩擬以魁選君發其奸亦取列第六無何給事中陳鼎劾鎰除名君聲益章旣調嘉善寬糧長之積逋均豪猾之隱稅興學校建射圃以振作寒畯且設兵閱武卒成桃源之捷時有御史按浙憤嘉善之不善事也多方挫折君不爲屈明年御史敗竟免中傷晉戶部主事運大同軍儲不

私羨餘監臨清鈔解稅倍昔晉兵部郎中乞養歸家
居蓋耿介有爲而薄於勢利者也丁亥余出補藩臬
於君不相聞者餘十年庚子余承乏國子祭酒聞來
謁聞君已不作四年矣問君末節於閭迺知出守懷
慶會歲饑君減征損費貸粟散居多所全活是歲禾
麥瓜諸瑞疊見天子以爲賢褒以金幣晉太常少
卿晉右僉都御史巡撫山西大同之變提兵境上爲
聲援劾奏避事文臣納賂將官者以振風紀且以計
得石州巨寇常誠心悉平其黨獨以治吏太嚴防奸
太密貪夫固側目伺之會行法宗人竟坐免臺臣嘗

數薦之未及起而卒寔嘉靖丁酉九月十有八日也
得年五十有六邇君之世本元學士磐之裔傳至明
善明善生忠忠生浩浩生思君父也贈都御史嗟乎
一泉自筮仕至其終稜稜風節動違時好雖數遭拂
抑而屹然特立無所沮奪是世人雖欲窮之君亦何
往而不達也哉

右僉都御史三崖歐陽公重墓志銘

雲南

羅洪先

公名重字子重別號三崖吉安廬陵人也吉安著姓
歐陽氏最繁公出安福令萬衍後世居釣源二十世
祖觀善徙水陂高祖憲文明初仕爲翰林檢閱曾
祖用堅祖元器考權以公貴封奉直大夫刑部郎中
母蕭氏封宜人年二十二舉弘治甲子鄉試戊辰禮
部中式廷試進士出身第五人初授刑部浙江司主
事進承德郎歷員外郎改山西司郎中進奉直大夫
擢四川按察司副使提督學校以母憂去服除補雲

南督學轉浙江按察使未上擢都察院右僉都御史
奉勅總理蘇松糧儲兼巡撫應天等處會尋甸賊安
銓反以公熟於滇事遂改巡撫雲南二年致仕公爲
人眉目皎皙溫美望之如羽人處子比居官刻厲謹
約數以職守忤權倖有武夫俠客顧望而寒心者嘗
曰先民有言君子全身遠害惟有不仕而已旣爲官
又避禍有是理乎故自入仕以來未嘗一日不治事
亦未嘗一事不守法法有所在卽朝議曲爲解宥不
敢聽法有不可雖俗情習爲隱忍不能甘始爲刑部
道瑾柄國擅生殺百官除拜必詣私宅蒲伏叩頭如

廷謝禮瑾兄歿百官往哭必四拜以序班籍名驗至
否公獨違衆不一往瑾不加害瑾敗而餘黨錢寧張
銳誣逮縉紳前後相踵公於田崑崙仁李穩余祐樊
準之獄皆出灰力相爭卽嚴旨切責不爲動銳不勝
忿以他事中公下廷尉久之索瘢不得竟還職於是
獄之根株難治者衆多遜公嘗決囚南直隸勘事河
南浙江囚每臨訊不更閱辭人出數言輕重其罪各
中情隱其郡縣如監司或欲有所出入公卽歷歷摘
招伏語相詰如經生背誦書不錯一字難者胎腠喋
口人皆稱神其後兩爲督學卽又善說書史指畫經

蘇士人宗之安鍾之變斬關殺吏攻圍鎮城而阿迷
嶺嶢新興蒙自武定騰衝諸賊相煽且起是時老撾
潛通交趾木邦孟養與緬甸孟密互相讐殺師宗納
樓思陀入寨廣南亦佐威遠皆亂勢亟矣公聞命自
金陵晝夜行三十五日入滇不四月銓等授首上
以銀幣勞公公謂前都御史傅習以夙勤事而身享
其成不可上疏固辭且以滇夷獸面鳥言不易馴伏
有司恃險遠恣爲嘯割則惴惴跳躑相報苟拊徇不
至兵革未有休息時也於是籍諸郡縣殘破者給食
散種差其免租之限如含薄糜哺弱子而於諸夷或

判疆域解怨爭攜黨與而歸種落則如投善劑以消
毒湯減月例家火以寬農覈武官職田以代俸止蒼
石玩器之害定土官替習之規又如積餘餼以充虛
橐至若鹽鐵銅錢商稅之辦納徭役里甲之疎數稅
糧輸積之遠近軍屯民田之隱漏又皆酌地力時變
而精研之則治家者之於米鹽零碎葢藏之不遺筭
也 上旣知公可任數下璽書褒公公益感奮而總
兵沐紹勛以上公世守茲土與鎮守巨璫杜唐表裏
爲奸掊刻境內歲且至數十萬公已切齒而近歲
上供金寶浮羨過正直且二倍皆出唐所指揮會當

進奉公請得禁治諸弊

詔從之而唐庇私人不受

理公遂疏唐不法數十事復以他事疏紹勛兩人併力行賄撼公使去公疏此兩人至十餘上兩人益懼嗾軍士以索糧不得叫罵醜公公既伐其隱謀乃更自以三疏乞休而輔臣方角黨求勝至是爲賄者所乘卒右兩人坐公不能調停與致仕且連巡按御史請調給事中論採者奪俸一月公請自坐除名贖御史追奪已俸贖給事中不聽公慮所言不效來者藉口實將事體更壞於是復上兩人交構狀以爲佞人不可不遠累數千言明已非輔臣黨人願弛前此黨

禁復諸逐臣蓋公已離滇久矣不以去位爲嫌而以
後政爲慮不以去官爲辱而以完名爲榮聞者莫不
危公恐觸上怒而公之懇款若未效百一於君父
前者爲郎中時乾清宮災應詔陳言五事中如早
朝帳房番僧宮市皆人所難言至指老兒黨者卽寧
銳諸人且嘗其反噬者也顧斷斷不肯釋口豈所謂
胥靡忘險故耶正德間權倖用事公數數相忤不及
禍今上初號爲治朝公又屢受知遇宜得展布矣
乃卒爲權倖所中致仕時年纔四十七家居視入仕
之日爲多使得就日力以盡展布其可稱述何阻將

有新之然者豈非命乎其後邊方多故許太宰讚數
薦其才不報無一長物出餘俸治室廬與兄弟共居
無分異收族教子周貧卹寡稱其力不懈也公既廉
而多施所居去城市二舍許未嘗一見郡縣官卽在
鄉未嘗以辭色忤人鄉與鄰者若不知有公卽相見
不信能忤權倖爲人難爲一至是也洪先嘗問公於
外父太僕曾公則已想慕其爲人乃今讀狀與諸奏
稿旣悔生同郡未獲識面以快所欲見又悔近其居
不及侍語以請所欲聞然幸銘墓傳其平生以酬所
欲得猶可以自解也

都察院右僉都御史汪公玉墓志銘

順天

張邦奇

公諱玉字汝成號雷峰一號嘿休系本徽之婺源越國公之後曾祖諱公鏐祖諱江父諱子才以公貴封承德郎刑部江西清吏司主事母吳氏封安人公沉毅重厚髫髻亂如成人年十六七讀性理諸書潛思默悟慨然以古聖賢自期若將不屑意於舉業而才思充敏得之心而注之手跌宕雄俊自足以動人辛酉年二十一領鄉薦明年游南雍時楓山章公爲祭酒暨巷羅公爲司業大見器重召語必移時較藝必冠

多士焉戊辰舉進士授刑部江西司主事轉雲南司
員外郎訊覈精敏爲同輩所推服甲戌陞湖廣按察
司僉事攝辰沅兵備乙亥督造紙劄拒請託絕侵蝕
減浮費以萬計明年仍巡辰沅攝兵備公性簡亢不
能與衆俯仰不悅於當道湖藩六道辰沅最遠且多
故故再以屬公公下上嶮巇不避寒暑矻矻移牒不
間宵晝民夷肅然惟永順宣慰司恃其富强納賄權
奸圖地之屬保靖者事久弗決相殺傷無虛歲朝廷
勅大臣會勘或受別指欲有所左右而公持益堅卒
以理誄羣力焉永順先以黃金器若干啗公公聞之

亟命擒其使使遽逃匿至是陰令刺客伺公人多爲
公危者而公屹弗爲動難亦竟弗及也香爐山上夷
叛合湖貴兩省兵討平之公之贊畫居多在沅再期
錮奸祛弊罄竭心力復構書院於明山之麓聚諸生
爲之講解今南京刑部侍郎周先生克之時以御史
謫官沅之竹塞驛公禮請爲師暇輒會講士多興起
已卯更巡武昌黃州會宸濠叛陷九江九江與黃蘄
接壤倉卒備禦分守者稱病不敢出城而公遽沿流
入蘄蘄吏民方豕駭欲竄公諭戒稍定日夜修城增
埧募民集兵皆越宿而辦黃梅有粟萬餘石與九江

僅距一水衆謂冒虎牙間而公從容取歸州城賊睥
睨不敢犯境內按堵已而亢旱出禱澍雨輒降未幾
武宗南巡供應賞犒之需籌畫周悉聲聞日益起
然積勤六年而薦剡不一及及是巡按御史毛汝厲
疏公才節乃擢柳桂兵備副使強賊王廷鑑爲患率
民兵搗其窠窟悉殲之當道無知者其於事惟盡其
心而不欲以聞於人類如此壬午冬丁外艱明年春
會吏部考察旌天下賢能卓異者纔數人公復與焉
乙酉服闋補臨清兵備稽供應減夫役豪猾屏戢軍
民安之丁亥春擢山東按察使行之日耄倪泣送滿

車下八閱月擢右僉都御史巡撫順天永平整飭薊
州邊備見西北邊凋耗已極實將官拮据所致首議
請甄別將官賢否明賞罰示勸戒仍劾去貪酷之尤
者二人邊境懾震戊子春畿內賊楊恭作亂驚動京
師公調叅將郝通授之方畧不數日折其首京軍後
至遂冒爲已功公曾弗之辨也凡防禦方畧鐵冶利
弊與夫重守令審均徭清地畝會錢穀皆熟計而條
陳之切中時宜有撫畿奏稿二卷勸勦歲久成消渴
之症且念數十年重大牢固之弊一旦盡革已爲愴
壬所忌而貪官被黜者相煽復起曰禍機在是懇疏

乞休不允既病臥卒年四十有九公與故王公伯安
友意不能盡同王百方說之卒不應其自信不移如
此然實學古心高才勁氣獨立而不懼知命而不惑
議論人物必求之心術之微舉天下鮮當其意者已
或有失雖纖微不自蔽人之柔倭疾之雖仇讐不兩
痛也所著有二書碎義書經存疑錄雜記敝篋畱稿
凡若干卷藏於家

左僉都御史陳長公察傳

南華

王世貞

陳長公者名察字原習其先閩人徙常熟遂爲常熟人常熟故多豪陳豪族其人類長者 高皇帝數以

法破誅諸豪首獨赦陳氏自如爲其以長者故四傳而公父光祿君隱不仕母譚淑人夢斗間氣下傳體寤而視腹有赤文曰鳳已遂娠生公公生嶷然莊甚動止自矩下帷日夜誦不輟補邑諸生俄光祿君塲公苦而仇酒肉之味者三年久之舉進士釋褐南昌推官滿三載高第入爲畱臺監察御史尋召治臺事

中貴人瑾拉而公持議亡所屈坐罰輸粟邊百五十

石瑾後伏法殊死而義子寧彬煽起益甚公力爭不得嘆曰死耳而不難太夫人耶是時譚淑人春秋高尚亡恙云公移疾歸養又可九歲而會兄寨免檢討亦歸譚淑人廼起公曰若母以吾老爲念而遂孤天子大恩公乃起守故官俄當出按滇上疏言天下大計五曰備荒曰治兵曰屏盜曰水利曰民牧俱下所司條著令寧王宸濠反義子彬說上以南方饒樂可游上欣然嚴中外且發公抗言弄兵者陸梁彭蠡間寧能舉大名哉發三千騎渡江可徑縛取柰何屈萬乘尊奪吏士任且上出而京師空然無六尺

寄撫監卽北不憂虜不憂蕭牆內耶 上不爵切責

公奪一歲奉公遂行按滇屏騶呵以身周行箚棘而
微刺民間得失滇中別產銀幸臣請縣官場而植之
歲可佐度支費什一下使者議公持不可曰此兵端
也且用事者覩其利余覩其害而從吏之不可竟罷
議金齒帥沐崧挾中貴人愬而嚮公劾治如律 上
亡子公疏畧曰臣越在外微安干國家大議成罪成
罪 陛下之踵 先帝稱尊者十五年矣先帝十八
年而棄羣臣亡卒然之患以有 陛下也 陛下多
狎游壯未有子羣臣心忤然竊害萬一宜早定大計

擇親賢實禁邸壻良之士屏翼左右

陛下固萬壽

無量庶有以培本根消窺伺臣民不勝大望不報亡

何 毅皇帝晏駕

上卽位下詔求直言而公還自

滇敷上書陳君德興革計弊復出按蜀公說

上以

罷蜀鎮守及諸織造中貴人具其狀甚悉中貴人尾

得書語相銜公次骨謀格不下然

上固已心動後

次第有所裁具如公語公之按滇而蜀也一罷青驪

布袍導二吏符節而已岳守而下大懾服惴惴亡以

奉下風墨吏先公解印綬去試諸道偕計吏者甫畢

以譚淑人喪免公繇郵書中受計卽被髮跣且號歸

日天其祝不穀得以九歲侍而易一日耶公服除再
入爲御史王邦奇者壬人也例罷所任千戶不得志
緣上意誣大學士費宏等給事中楊言因遂糾邦
奇上恚謂爲大臣遊說卽朝置獄訊備五毒公大
呼以臣察願以不肖軀易揚言地下衆錯愕引辭而
上連目攝公不爲動退復具草言亡論邦奇語非
是大臣不自飭扞文罔亡以消厭人議惟上體貌
終始其聽自劾邦奇別下司寇獄彈治勿令天下有
以窺見風旨上曰善因遂寬楊言獄弗誅卽侯勛
方挾幸爲茲利巨萬公時監軍事發其陰請賜罷上

謂御史憲吾不愛一勛以謝御史其令戾就第公守
御史久同列婁起大位幾徧始遷爲太僕少卿垂拜
公復辭薦代人太僕於故事不得辭又不當得薦代
人坐謫潮屬邑校官公怡然卷衣出曰察奉臺事亡
狀又數妄言當僇 天子幸哀憐之於是倍道趣潮
聚諸儒生譚經學諸儒生人相勸亡倍陳公暮歲移
信州倅距倅南昌更可三十歲治如南昌亡見遷吏
態已晉浙江按察僉事俄超爲副使踰年而遷山西
按察使亡何遷山東右布政使已而又遷浙江左布
政使入爲光祿卿旣 上皇子生贈祖文官錄一子

太學生吏部言南贛闕撫臣請以陳察任報可卿三
品又遷日左使當爲副都而大臣者失其名以公不
先事見嫌之僅改左僉都御史之鎮公則申先都御
史王守仁束約定甲保繕要衝勒習技射士密授之
捕鹵盜魁相戒避明吏毋污陳公質爲也而公益願
高皇帝大誥闕里社社人給小學彬彬矣上行
且召用公然公坐游乞骸骨辭至上殊非所望曰
都御史輕去朕耶吾不用矣公故受經羅文莊而友
張潤章拯相與劇切爲君子歸杜門益講習濠洛諸
先生書希濶外事監司歲時行部間造公公度其人

長者乃已或其人非長者而侈則徐出所飯麥強飯之曰余田父甘也公又多語刺刺是非咸逡巡避去所寢卽生平不二余蔬肉分日而食冠衣褻亡易第令綴以絲襪色錯然久而失其故少年覩以不堪或相率摘訾公非情云公之事譚淑人二毛矣于十膝間爲嬰兒暮歲秋先其鄉人入租稅旣者病且亟捐私田三百爲邑助博士弟子貧者曰吾異乎所以益子孫侈者公卒年八十三有集及奏草若干卷

都察院右僉都御史李公淮墓志銘

延祐

公諱淮字巨川小泉其別號也生有穎質未冠補邑庠弟子員弘治辛酉領鄉薦正德甲戌登進士尋丁內艱歸服闋授戶部河南司主事督儲太倉公廉明允屬吏畏而愛之及滿相率列狀保畱司徒公因加器重聲譽遂彰尋督儲密雲有中貴怙勢於公獨心服更加禮重尋督儲德州知州某素兇詐沮撓諸政公諭之弗悛乃疏其惡於朝竟置之法事竣奉命監督南畿兌糧百八十萬石舉完無愆期擢貴州司員郎尋擢山東司郎中總理遼東軍儲遼爲巨鎮歲支

支百二十餘萬多資鹽引豪商憑藉朝貴率空手占
窩取厚利軍儲大損公下令有見貲方與引諸豪舊
怙勢恐喝公曰吾不畏死咸吐舌縮首去請託遂絕
及明約束嚴稽覈平出納祛積蠹軍儲大充將士咸
悅一時聲稱翕然咸謂公可大用矣事竣擢四川布
政司叅議未發以才優改陝西分守河西兼督糧餉
公治如遼東而總理益密勞瘁有加時詔使勘土魯
番入寇邊情益中有陰使之者欲假此報執政私忿
將起大獄邊事幾大壞公與巡撫唐公澤據理持法
極論夷情奸欺國體當正邊情至重不可再壞詔使

不能奪疏奏河西始安擢陝西按察司洮岷兵備副
使總制王公以公熟諳邊情奏畱整理河西事務兼
分巡督餉責亦繁重公竭力應裁百務咸舉而勞瘁
益甚矣尋擢陝西布政司叅政歲大饑予方撫陝委
公分賑公遍請村落給食不舍晝夜至廢寢息有勸
者曰吾一人不足惜如億兆何至永壽遂以過勞嘔
血數升循力疾卒事會延綏撫臣缺廷推以公名請
上擢公都察院右僉都御史巡撫其地命下而公
疾甚乃輿歸聞喜未及赴任卒壬辰三月二十七日
也距生成化己亥享年僅五十有四云公天性孝友

入仕以親養不遠歲時哀慕人不忍聞事二兄極誠敬俸入不自私撫孤姪如子長卽誨之弗克肖至涕泣諭之至哭於祠墓復誨其姪孫底成立居鄉以行誼自勵顏垣疎牖晏如也平時縣官罕見其面近出未始用輿馬素潛心理學與諸生講解經義必體諸身心叅及時務期於可用所至執經問難者不遠千里蓋其學有本故所至建立卓然所著有詩經童訓辨疑其稱於中外者炳炳若此予則尤見其規畧恢弘條理不疎志慮堅定機鑒不爽律已端嚴而與人不求備取善疾惡而怨怒不宿甯故累司財用人無

間言所至雖武夫悍卒莫不傾心敬服涼州有父子
異居致訟者公反覆譬喻感泣復合所謂全才公不
忝矣 上方將大用公而遽爾淪逝惜哉

都察院左僉都御史黃巖劉公夔墓志銘

保定

費家

公諱夔字舜弼別號黃巖世爲襄垣人曾大父端領鄉薦授密雲教諭大父潔領鄉薦歷監察御史終浙江按察副使父鳳儀舉進士歷刑部員外郎俱用伯兄紫巖公貴贈南京吏部尚書母張氏封夫人寔生公夫人就館時夢紫衣人覬寶劍因以小字命之公生而岐嶷異凡兒稍長益穎拔從大父遊京師所接識多海內英雋學用夙成歸補邑庠生名藉藉動三晉庚子舉於鄉明年辛丑舉進士與庶吉士之選益

肆力讀中秘書期成鉅儒余時亦從公後心憚之癸酉授兵科給事中丁丑聘同考會試所取多名士辛巳陞刑科右復陞戶科左今上登極更新庶政有詔起用太監蕭公敬公上疏謂臨御之始不當先喬用閹豎非所以令衆庶見也辭意俱烈疏入不報者累日人咸危公公方引義從容而上亦察其忠弗護京東民田爲權倖所據民不得訟事聞命公往訊至則按籍悉歸之民權倖斂跡時以爲難是年以紫巖公爲少宗伯例改翰林院檢討丁內艱甲申服除史職與修武廟實錄事竣當加秩而公忽得外補

謫判大名人以爲異而公處之愈閑至郡折節親簿
書專長吏惟謹長吏益賢之暇則葺元城書院進諸
生闡經義興尚文教彬彬多成材焉丁亥陞南京宗
人府經歷歷南戶部郎中江西按察使司副使改提
學河南陞貴州布政司叅政調陝西陞山東按察使
所至有聲嘗錄囚釋其寃數百乙未夏擢都察院左
僉都御史巡撫保定保定畿輔重地俗悍喜鬪歲薦
饑民或聚爲盜公至則按捕之節用愛人緩賦驅蝗
民賴以安提三關邊警叵測公飭兵食屯要害數親
巡視慨然不勒居燕然之志居三載虜不近塞輯寧

保障之績民至今頌之公又疏治運河葺修嶽祠稱
旨數膺璽書褒美錫賚加渥方駸駸嚮用乃爲言官
誣論公遂懇疏乞歸越六年忽遘疾不起蓋嘉靖癸
卯正月也年五十有七所著有黃巖集金陵稿恒陽
集處州錄大名吟奏議七卷

右僉都御史徐公錦小傳

順天

葉照

君諱錦字章甫號楓岡生而穎異慷慨不羣攻儒學
首膺文宗之選正德丁卯中浙江鄉試丁丑登進士
除福建甌寧尹痛先人之積學早世以清白揚親蒞
政清嚴秋毫不取私邑有行都司軍民雜居君嚴約
束固不帖服界隸司府往來員役聞君之名不敢輕
抵公所邑巨豪負險深谷積逋不輸於官君諭以義
豪悅且信遂效命無或胥梗至於均徭役以除宿弊
蠲冗費以濟民難人多利之歌頌恩德御史相繼薦
於朝有公明廉能之譽甫三載天官卿以君治平爲

天下最徵拜南京廣東道監察御史老成明斷望重
南臺尋轉雲南道憲憲諤諤益勵風裁奉命按淮揚
及廣西等處惟整飭大體不事繁苛按藩臬虛已咨
詢以濟時宜靖江藩府怙勢害民莫敢誰何君疏陳
規制裁之以法卽敘手屏迹不敢恣事竣會建仁壽
諸宮奉勅督理同事多中官每索取常例不一滿望
則多端阻勒君委曲開諭備述官民輸運之艱中官
爲之感動及從寬恤時 章聖皇太后屢賜茶宴金
帛以勞之屢荷殊 恩錫以明倫大典無逸殿碑文
諸書 上嘗錄公名於屏風曰此宜可大用旣而陞

南京大理寺丞斷獄平允多所寬宥尋陞太常寺少卿聲威益振庚子歲會推順天巡撫上覽疏爲中官曰少卿徐錦得非向御史也親簡注焉獲拜都察院右僉都御史巡撫順天兼督理薊州邊備蒞任踰年撫養士卒邊城不警及沙河大工成進俸三品人皆且夕以公輔期之值辛丑星變引咎自陳乞休恩賜致仕家居每遇聖旦必夙夜具朝服拜祝於庭暇時搆酒歌詩不干戶外事賦性寬和與人輒平易未嘗以貴顯自大朝野咸謂君再出以柄樞要而距不可作矣寔于子三月十四日也

僉都御史李公宗樞傳

河南

喬世寧

李宗樞字子西金寧武將軍耀州司候烏古論速可
之後也父恕弘治丙辰進士歷官貴州叅議宗樞舉
進士授知諸城諸城多衛官富室豪奪民田宗樞懲
其尤甚者一人餘悉自歸民田民盡復業以治績擢
御史按宣大陳邊務十事 上盡採用之語在集中
已又劾都御史汪鉉不法狀風裁著於臺中未幾鉉
遷太宰卽陞宗樞潁州兵備僉事定欲考察時鰥之
乃宗樞潁上名益著御史薦者十有三疏鉉竟無隙
施焉鉉罷乃陞河南叅議副使會 上謁陵承天諸

守臣率以罪繫乃遷宗樞叅政頃之再遷按察使有
扈從功方召用以母憂歸會虜入山西大掠至平陽
撫鎮多以不職譴罷時太宰與科道官舉才臣當事
者十餘人皆首列宗樞俟服闋補先職無何卽遷僉
都御史巡撫河南宗樞習知大梁事乃盡禁諸服用
奢僭與豪姦倚王府爲窟者一時大梁肅然又撤諸
郡邑條百姓所苦樂將一切畫便事會病卒不果宗
樞性穎慧口吃有濟事才交遊間情儀殊厚詩學初
唐作字學章草俱成家有詩文集傳世子羔已酉舉
人三十四年以會試行會地震客死閭鄉

僉都御史陸公邨傳

河南

公名邨字秀卿嘉善人讀書取爲時師訓詁嘗以人心物理與聖言融貫非可離而二之欲求畧去名筌直軌往哲而發憤篤行誼尤以氣節爲重人或相曰爲腐儒公曰吾腐吾腐不較也嘉靖丙戌舉進士授南京刑部主事道自河間郡守某見公貌頗頗不善抑遜心惡其侶乃送一屬館居之館僻在西遠妖魅所竊誤入其中者輒死公不知其愚我也誠之而入比暮與皂懷慄告出唯二童子畱既寢夜半有聲制然已而崩山裂石之狀其怪頽然而黑不知其長幾

許植於臥榻前公怒甚以手擊之大喝曰何物妖麼
敢爾須臾遁去院宇間寂如故屢明門外候吏皆兢
兢俟內音公偶睡軒日高不起人人私痛其爲臬下
人無疑矣頃之放衙偉然陸主事坐堂上竟無怪狀
於是郡守聞之大駭心知其非常人比至南都審刑
名多平反有獨見以濟法所未備旣而居父喪閭鄉
人有欲引公者公不應補北刑部又乞南改南武庫
郎中武庫主出納諸司隸直多羨金人易乾沒公率
不敗封以發人頌其廉下無間言擢常德知府以治
最改岳州岳州大饑公不待奏報發倉粟以賑民賴

以生活者數百萬計時楚中灾傷極甚每御史按部
所至則餓氓匍匐扶曳龍鍾將仆衣不掩形流離困
頓羅驄馬前號哭不已御史綴言慰遣心實慘痛恨
無良法以速起其死也及抵岳州境內晏然則未有
以荒歉告者心大異之又地逼江湖寇盜出沒時仍
饑饉之後不聞賊警於是稔知公先事預備慮周生
民固極盡安輯之力矣御史又察知公寒素澹泊不
求榮進爲政無赫赫之譽此其心與古循吏無異遂
上書薦之於朝 世宗皇帝軫念元元特重有司之
務實政者乃曰守臣邇爲予一人緩萬民積可嘉其

用顯擢以勸來者遂拜公太僕少卿加御史傳一等
於是天下皆知上意所向爭相奮勵以治行自見
其風四方而激人心由公得之也既爲太僕盡心牧
政收政以舉自太僕徙南鴻臚自鴻臚徙南光祿稽
檢會計條緒具悉內豎有典其職者無緣爲奸宿蠹
盡除而四署一新矣會河南巡撫缺詔公以右僉都
御史往撫其地公受命感奮自効冒暑雨疾行比入
汴遂大病乃嘆曰宣勞畢命以上報天子微臣責
也其不得竭犬馬之力以負初志臣死且有餘愧不
得已乞骸骨歸歸三月而卒年五十五所著
有風雅輯畧傳習辨疑古文詩賦彙於家

都察院右僉都御史侯公鉞傳

大同

侯鉞字義甫東阿人金丞相摯之後也爲人魁岸有大度戟髯電目狀貌如神論事侃侃口如懸河慕賢生陸贄之爲人也資質殊絕讀書日以卷計率三數過終身不忘舉嘉靖辛丑進士請告里居三年諸闕授工部工事奉命修玄恩橋於涿州之南監修中官上其年百萬鉞爲上書指陳其狀乃二十萬而足擢本部中出爲山西屯田僉事有詔築龍門邊五百里衆以虜所出入相顧莫敢往鉞獨以身任之一日虜大至左右請入城避答曰吾舍數萬丁夫獨先安

往乃驅民入城身爲之殿夜至宜府城下有老弱避
兵者復數十萬擁門不得入鉞乃坐門外盡入居民
而後入再擢爲山西副使整飭陽和兵備大將軍仇
鑑行邊司道皆伏謁鉞獨長揖不伏鑑初不悅及進
而與語縱橫指畫旁若無人鑑奇其材謂軍門曰此
中缺缺侯君一人兵備三月拜右僉都御史巡撫大
同嘗一再遇虜有首功百餘級未及論功會總兵岳
懋斌兵部尚書薛豹劾鉞視邊軍敝不請餉乏軍興
逮下吏治因諷鉞自辯欲令歸還戶部鉞曰事有不
可吾寧身任其咎不敢爲朝廷起大獄竟不以戶部

爲解制籍罷歸田里常有袍戴笠乘一白騾從蒼頭
一人遊行隴上與田夫漁父抵掌笑語至揮鉏分畝
相娛樂遇者不知其故中丞也時塞上多事錢有重
名廷臣部使交章奏薦方有詔召遂卒今祀學官

右僉都御史麟山李公良墓志銘

宣府

張鼎文

夫毀譽不公良臣解體忠佞無別志士嚮心今朝廷
有忠直之臣而或以疵類疆圉有功烈之臣而或遭
掩抑故賢士不能盡其誠而國家不得盡其才正以
此也往歲經略邊事之臣莫如李公麟山先生率以
間去至今人惜之先生諱良字述伯其先洪洞人始
祖李二避兵長清家焉二生德德生斌斌生勝勝生
儀娶張氏生先生繼母許氏爲人忠信仁厚豈弟孝
友勤學以養父志情物以奉繼母戊子領鄉薦己丑

第進士筮仕漢中府推官平妖寇擬陞河南道監察御史以不奉時相改評事歷陞陝西僉事山西叅議副使河南叅政陞右僉都御史巡撫宣府贊理軍務蓋先生文人而究心武事故其勲伐多在閭閻兵戎之間凡所以爲夷夏之大幾社稷之大計必悉心經理要必爲天下長久之法故在陝西禦套虜有黑水口之捷總制松石劉君表其贊襄之功在山西守巡冀北道外禦强虜內制橫軍邊圉晏然百姓祠祀之在宣大六年知形勢明戰守習訓練一膺巡撫之寄卽上奏疏無慮數十咸切肯綮又見屯戍軍寨建

併中之議鑿鑿可行已酉之秋虜寇深入非先生預
爲調度將不知何所底止也然其執法守已不阿時
好獨見短於權要議當回京調用而先生浩然志不
可奪矣居十年惟課農教子焚香讀書表率鄉俗以
居家守禮居鄉守義居官守法爲訓所著有文稿若
千卷藏於家屢薦推昌平操江巡撫之任先生厭聞
之戒客勿須口也嘉靖辛酉夏五月卒年五十有一

都察院右僉都御史浚谷趙公時春墓志銘

徐階

隆慶元年冬十二月二十七日巡撫山西都察院右
僉都御史浚谷趙公以疾卒於家明年五月總督三
邊兵部右侍郎鑑川王公爲請卹典有司循故事得
賜祭一壇於是予西望拜且哭曰嗚呼予負公矣予
負公矣予與公友三十年自謂世之知公無如予者
今予方在政府又幸際聖天子嗣大歷服盡召起
歲久有聲實之士而予乃不能亟薦公使竟其所欲
爲予負公矣予負公矣公爲人嚴毅介特與士大夫

處意有所不可議論有所不合必引繩按矩詰責之
不少貸故賢者服其正而在中人咸疾其太剛或語
及北虜方持盃酒相懽笑輒裂眦攘臂誓不與俱生
數謂所知曰使吾得備偏校領精兵五千人操勁弓
巨矢間以長鎗大斧卽俺灘丘福不足平也故在賢
者率壯其志而亦頗訝其尤輕憂其太銳然自邇年
來士務以柔媚全其自將畏懦不敢一言戰政日以
弛虜日以驕其狀如人之病痿漸入於不能起予以
爲得公出而矯士之習作將之氣於時必有所補益
而又念士大夫於公尚未有定評使其所長不曉然

著於天下萬一有妄議者公必怒而引去不肯復出
故委曲爲白其所以然冀論定然後薦且計公年未
六十用世之日長而不意其遽卒蓋不獨予負公卽
公亦且自恨其不及俟予說之行也嗚呼其殆有歟
然耶公幼與羣兒戲每列旗部署自長御之年十四
舉陝西鄉試十八試禮部褒然爲舉首當是時海內
伺其有所製作爭傳誦之而公則習騎射談甲兵日
以邊備之不修爲大戚及再失官虜果入犯遊騎薄
都城世宗皇帝用予薦召爲兵部職方主事遷山
東按察僉事領民兵轉副使遷巡撫山西都御史提

晉陽門諸關庶幾用當其才矣然公在職方坐議馬
車非策又以能兵爲逆鸞所忌幾得謫歟在山西檄
將士禦虜代州身甲冑督兵繼進斬虜若干級而總
兵李濟乘勝入虜伏中敗沒詔解公官聽調迄今十
五年予日思薦起焉乃竟不克遂虜固未當滅耶何
公之難於用也公讀書日能記萬餘言凡史氏所載
天文地理戶口錢穀多少之算與寇戎蠻貊之詭姓
隱名歷歷誦之不爽所爲文若詩豪宏闊肆如司馬
子長李太白而卒澤於仁義道德初舉進士改庶吉
士授戶部主事調兵部武庫主事卽疏請禁諛佞正

士風又疏錄用諫官明善惡開異端等七事下詔儆
爲民暨改編修兼司經局校書疏請正東宮朝會禮
儀備文武官僚以崇國本又罷爲民爲政於晉斥舍
墨省征徭抑求請絕餽遺曰吾不敢竊府庫以自潤
亦不能借府庫以市恩宗藩貴宦相戒莫敢犯法一
時文學氣節政事之聲振動天下乃公則皆曰此儒
者之末事其志專在攘夷狄復祖宗之疆宇遺後
世以長治永安而卒不獲試此予所以深慨於負公
也公諱時春字景仁浚谷其號祖福以國子生爲平
谷丞考玉霑化教諭贈編修母許封太孺人公卒時

年五十九銘曰龍興而雲弗從伯樂與驥幸相值今
而不克收以爲功世方貴劔術而下將鑲鄒曾不從
與鉛刀並庸數耶人耶吁嗟乎公

石僉都御史山峰阮公鶚墓志銘

李春芳

中丞阮公皖之桐城人也諱鶚字某號山峰居士系
出步兵晉黃門侍郎遙集自陳畱受節鎮皖樂山山
之勝因家焉歷唐諱樅江者以大將軍顯宋諱師簡
者以進士顯文武後先輝映由進士五傳而生遲遲
生廷瓚人稱愛雲翁則公父也愛雲翁少孤嚴事其
兄讓千金產有隱德沒祀於鄉後以公貴贈南京刑
部主事配吳氏繼童氏俱贈安人正德己巳歲大稜
翁傾貲振之所全活甚衆無不願翁生賢子者已而

母吳以是歲十月二十四日生公公生之夕室有瑞
光始爲兒時端重不戲六歲就外傳輒問曰讀聖賢
書不當學聖賢乎傳大異之嘗作燈花賦以見志長
而博綜經史百家文聲籍甚嘉靖甲午以儒士中應
天鄉試乙未遊南雍少司成歐陽文莊公方與諸士
講明致良知之學公聽受而篤信之曰學不在是乎
自是盡棄平日馳騁之見而反之身心矣甲辰第進
士觀吏部政會星變上疏乞崇廉介以抑奔競不報
太宰熊公某獨亟稱之乙巳授南京刑部主事敬簡
明允精於讞比千戶劉恩以善訟作姦公疑其罪竟

置之法時有殺人而橫於市者都下譁然莫知其由
邏者偵捕朱監生甥抵之業已誣服公心疑爲冤齊
沐禱神竟得真殺人者於是才名大振三載奏最改
河南道監察御史巡視光祿光祿多中貴人憚公風
裁省浮費且十萬計地震應詔言七事多見採納已
酉巡視倉場兼理河道蘇運卒立議單劾罷漕帥之
不職者漕政以肅明年案順天諸墨吏望風解印綬
去任丘進士王聯豪橫數殺人擬大辟乃撫拾胡公
續宗詩誣奏謗訕上怒逮下詔獄并逮撫按藩臬
郡守三十六人公曰以言語罪人非盛世事矧誣摺

之乎漸不可長乃極力調護其間事竟得白尋改畿
內督學公以首善自京師始正身帥士士蒸蒸然有
風諸所請謁悉謝卻不避權右庚戌虜入犯至薄都
城下公適校士涿州涿固都城要地也公選率生徒
張皇號召士氣倍振虜退條上禦虜十事勅中機宜
當是時公職在俎豆不與兵戎乃毅然以憂時捍患
爲已任其康濟之弘猷已於此露其端云癸丑擢浙
江提學副使頒示條約一如畿內而因地裁成之得
人爲盛浙方歲苦倭寇甲寅尤甚公下令諸生操弓
矢習射作忠義之氣乙卯夏省城戒嚴撫臣檄諸司

畫地防守公當守武林門則列營關外令士女分道
入遞至遞開視他守者獨無追迫蹂躪之慘民咸德
公焚香祝天曰安得阮公開府以活百姓耶丙辰陞
廣西右叅政臺省交章薦公有文武才可大用上
擢公右僉都御史提督軍務巡撫浙江聞命卽展布
方略誓告將吏四月賊攻乍浦追斬皂林賊奔桐鄉
公冒重圍入桐鄉方賊之圍城決旬也多方攻擊而
公亦隨機應之顧孤城力乏數請援於總督胡胡不
應城中危甚卽睢陽之急不是過也賊又持總督紅
牌抵城下議和人心搖惑非公抗議固守鮮不敗者

少宰松溪程公序平夷碑亦謂公有睢陽之節武種
之忠以此久之賊計窮遁去五月賊陷仙居公又募
金台諸郡兵分疑設伏凡三戰大破之而賊首徐海
黨與衆盛復集舊巢時趙尚書文華出視師與總督
胡共持和議乃公獨銳然決戰會言官上疏罪議和
者詔下專命公勦平公得報益自罄竭命奇兵四伏
正兵突擊賊遂大敗四竄巨魁陳東麻葉辛五郎皆
就擒賊又奔據沈庄憑險自固若謂必不可破而主
和議者猶觀望不進公大怒曰不滅海尚留根蔓乎
檄諸道分兵四圍夜渡濠薄賊柵火其巢自寅至酉

力戰俘獲甚衆徐海始就滅功最稱奇而讒忌亦自是漸起矣公顧一意向賊謂諸將曰寧波鴈門久爲賊據而舟山餘黨尚在奈何安枕耶遂夜驅水陸兵並進大破於蔡奇山獨山大潭山水戰於清港洋丘家洋直抵舟山賊方除夕酣醉遂擒斬殆盡自是兩浙三吳始得休息矣 上賜金綺者五進秩者一方鄉用公而忌者愈忿謀奪公柄移公專鎮閩是時閩寇方張而兵弱財匱私計可以困公而公不爲困丁巳春公發浙江倭犯福寧公抵建寧倭犯會城已而犯福清犯海口羽書猝至公日夜治兵儲糧慎選練

澤而於先登陷陳之士不惜重賞往往能得其死力
遂奮擊賊衆於古源陽崎長樂港閩安鎮凡十餘戰
計任事不遇數月捷書飛奏上大加獎異奈何忌
之者力謀傾公乃指摘公糜費儲餉肆爲妄非風聞
論列遂被逮至京然募兵壯造戰艦捐貲予卷牘具
在有司可覆視也卒莫能中傷落職歸角巾私第絕
跡城府東阡西陌朋舊過從悠然不知老之將至也
會有論胡督府宗憲侵浙餉者復波及公公疏請兩
省互覈而人多依違其間迨隆慶丁卯公病轉劇伯
子某伏闕陳情於是大司徒馬公森大司馬霍公冀

令疏題覆行兩省巡按覆報公之心事行且昭雪乃
以十二月七日歿於正寢享年僅五十有九耳嗚呼
天亦忌之人何尤哉余嘗讀陳平傳而重爲公慨也
平事漢謀所以挽楚者請捐金行反間高祖與之黃金四萬斤恣所爲不問出入卒間楚君臣滅羽垓下
由公觀之使平也生今之世身且不免又安能吐六
奇而封萬戶哉今按中丞五臺徐公紳狀叙浙閩事
獨詳有以也浙之士民思公之德相與立祠俎豆公
夫豈可強致哉噫此益足以觀公矣若夫勘副使李
某同知唐某以全善類哭送南野先生族觀以敦師

道不拜使成寧不附陸都督不謁趙督察以勵士節
書中所稱述者自當信後云

都察院右僉都御史侯公汝諒墓志銘

遼東

寇陽

侯汝諒字叔貞號松亭公幼聰穎不羣讀書過目成誦爲文藻思逸發操筆數千言立就弱冠領鄉薦戊戌登進士高第己亥授戶部主事監太倉及三河諸倉正己率下出納明允宿弊頓革總督侍郎胡文江巡邊諸監倉者率有厚餽張盛晏以媚之公獨無後餽者多敗時稱公有守甲辰陞雲南司郎中司務繁劇公才旣優應酬如流吏不敢欺內用金寶當事者率通鋪行倍估高價因爲已利公裁其直之半省帑

不以
學地
興解

金甚多外戚方氏奏計祭葬及庄田七百餘頃公以
爲財力土地有限而覲奏計者無窮弗之許方託所
親啖以利公峻拒之且疏稿白於大司徒蒲廡王公
王難之公曰設有利害郎中自當之疏上令下竟減
其請之七八貴戚咸怨公亦不顧也乙巳陞南陽知
府公嚴以馭吏惠以愛民抑強扶弱興利除害唐府
求儒學隙地以益園圃撫按檄公勘之公曰卽府地
尚捐以助學可侵及學官耶事乃寢朝覲給由赴京
公私餽遺一無所受撫按交薦其賢庚戌陞陝西按
察司副使值莎亭翁卒於南京公聞計號慟卽日奔

赴謁喪而歸服闋癸丑復除陝西分巡關內安大款
公調度賑濟全活甚衆地震異常人多壓死劫奪蜂
起公循行禁緝地方賴以無虞丙辰陞河南左叅政
至汴卽入賀丁巳陞本省按察使振肅紀綱申明法
令豪右斂迹激揚得體風清弊絕人望益歸入覲事
訖已未陞都察院右僉都御史巡撫遼東先是地方
連歲荒歉餓莩載途又值兵冗百務蕩然公夙夜焦
勞匡濟時艱危言懇請數萬金糴米數萬斛賑之軍
民賴以全活復請通登萊天津海運公私稱便招集
逃軍修復墩堡督造火器訓練卒伍軍中之務畢智

力誠無遺策焉虜雖數入多遭挫却而去屬夷內
亂勾引醜虜爲患事體重大莫肯執其咎者公抗疏
陳言條其便益計擒首惡果力箇等四十餘人功收
不戰羣酋投首事聞 上嘉之有白金文綺之賚公
事孝爲國約已裕民用舍惟公賞罰惟明嚴以繩貪
勇以起懦軍民咸悅朝鮮貢使有獨鶴之詠坐是與
總兵者不協互相訐奏奉 旨回籍聽勘中途患疾
抵家調理不痊於辛酉年七月二日卒距生正德乙
亥六月九日壽四十有七云

余都御史荆川唐公順之言行錄

唐順之字應德武進人其文行爲學者所宗稱爲荆川先生嘉靖己丑中禮部試第一及廷試遽庵內閣使鄉人索試策欲首摺之而先生以年少筮仕守已當嚴竟不與通置二甲首其榜首則江西羅念庵洪先也自與羅公交後知其人品甚高心服之嘗曰省元狀元人品每不齊而吾幸與羅公爲兩榜首省元狀元每相忌至於相疏而吾獨與羅公相友善亦一奇也授武選主事以幼時嘗竭精神於舉業幾成勞瘁而學問文章俱未有成恐碌碌仕途無以爲終身

自立之地不樂居官庚寅春疏病得歸值母艱服闋
無赴官意以父有懷公教乃速裝壬辰改稽勲主事
調考功居家時素知有司某某賢後取至京以不通
關節爾滯不時用先生卽密白其賢擢科與道不使
其人知之羅峯相公改各屬官爲翰林部中首舉先
生拜編修校對累朝實錄於時王遵岩陳后岡高蘇
門皆以詩文名當世一見先生之作心服之而先生
未敢以爲然也至其戒行雖苦終少自得之趣先生
尤自教時則王龍溪以陽明先生高弟寓京師先生
一見之盡叩陽明之說始得聖賢中庸之道矣校對

完例當陞賞先生不欲受又以羅峯愛已將遠其嫌
遂告歸張緣是怒以吏部原職致仕居家窘甚而於
文章之潤筆弟子之贊儀未嘗妄取林下三十年不
役官府一人不受坊價一緡官庫積先生所卻至三
千金會 皇太子立妙選宮僚 今上面諭宰臣起
先生爲春坊司諫竟以請朝東宮落職歸先生自是
御一布袍嘗居宜興山中與諸生講學宦於其地者
欲一見之無從也四方之行過是都者必先禮於其
廬以得見爲榮剡薦殆無虛日獨侍御雲川舒公之
駕章有曰學以聖賢爲師道以經濟自任立朝著塞

謂正直之風居鄉有廉靖無求之節乾坤不可無此
正氣朝廷不可無此正人可謂得先生之真矣先生
喜靜坐樂與方外之士遊曰方外之學雖與吾儒不
同而其苦行堅守洗淨心緣知自求之身者固賢於
今之儒也先生於書無所不讀無不精究其妙而於
歷筭尤精文章可以窺班馬詩可以並李杜然嘗曰
此不過應酬之作更看山中靜坐十年后文字更何
如耳先生與人無間於貴賤貧富惟投其機則言笑
無厭有所拂則拂然見於顏面遇之途亦爲之趨避
曰匿怨而友吾弗爲也其與人言登竭底蘊若淺露

者然事關機要則深沉隱默際不可窺於瑣屑之事
若不甚通曉至於籌畫世故則辨悉毫芒性恬澹不
樂仕進而見民之瘡痍困頓又若痾瘵切身思一救
援貌不踰中人而視天下勢之所至若萬鈞之壓卵
處之晏然舉天下之所不敢爲不能爲者獨毅然當
之嘗自謂當今少一竅武子之愚蓋自況也甲寅倭
奴起釁流血東南先生目擊其變至不能寢食適居
有懷公喪而趙公雨江以上命視師海上來訪先
生與陳機畧且言非專任梅林胡公不能平此寇趙
歸朝首薦先生以南部車駕主事起之先生不應陛

北鄙職方員外又堅臥不起及巡按提學二侍御奉
旨促行先生不得已赴京卽陞本司郎中陞見後卽
奉命查勘邊務繼而視師浙直先生奮然曰一月賊
不平請拏將官三月賊不平請拏郎中十二月先生
將至浙賊聞風遁去先生計平賊上策當禦之海外
而海道不可不熟乃自江陰自嘉興兩次下海泛大
洋至鮫門而還未幾春汛急自登海船督諸將泊崇
明沙沉賊船十三隻斬賊首百二十級餘賊走三沙
陞太僕少卿胡公奏畱同事又陞右通政於時江北
巡撫李克齊告急胡總制檄總兵盧鏜往援先生以

江北賊寢重地乃以三沙賊搬鎗堅守身往江北與
李公首尾擊賊敗之於姚家蕩又敗之於廟灣場度
其勢無能爲復自江北往攻三沙居海中二月竟以
鹽鹵之故腹疾增劇方回太倉調遣狼兵而賊乘風
雨夜登江北岸矣先生每以此自愧其斬馘功皆遜
不居而胡公竟上之三有白金文綺之賜先生每與
胡公論國家事未嘗不泣下沾襟誓以身許國曰胡
公計事先我一着至忠義一念則甚相符合未幾陞
僉都撫淮揚因積勞病甚不能行然以淮揚重地朝
方備任十一月勉強赴官值歲歉請於朝得餘鹽銀

三萬兩以賑又自捐俸金令有司以次捐俸易米散
各鎮爲粥以食饑民先生素仁心不忍見民之饑死
又以淮揚所轄天下要道卽有變於內倭寇乘之貽
患不細故於賑濟獨勞心焉時病已甚而先生治軍
務不少休三月二十一日登焦山望三江嘆曰吾第
一梟將使吾病而不能展其能奈何然使一病都堂
能居海中則諸將無敢不下海諸將能下海則敵人
自奪氣也欲從太倉取道常居海中行至通州而病
不起矣二十九日也將革猶以爲人與學問未成未
了十年工夫自恨時天皎皎聞天鼓鳴於舟上者三

而先生氣絕

荆川唐都御史傳

李開先

武進之有唐氏遷徙爰自淮南振起始於伯誠伯誠以子貴封評事評事子復由進士歷陞知府有政蹟載在一統志知府子衍又以子貴封給事中衍子名貴號曾可第進士會試第三名仕爲戶科給事中以清謹長厚歿而祀於鄉貴子瑤字國秀因父母俱亡晚號有懷以鄉舉授知州遷員外郎郎中官止永州府知府娶宜興任儼女生子順之字應德號荆川幼而父母教之弱冠師長成之而友朋助之讀書不成

書寫字不端楷父卽捷之或外嬉脫歸或內言使氣
母必厲色曰汝尚有童心乎將爲宕子乎唐子由是
勵勵書寫得其父心出入得其母心矣業師乃包廬
業林而憲友則方山薛應旂也經義本其祖傳而舉
業可繼王文恪戊子鄉試第六名己丑會試第一名
廷試二甲第一名御批其策條論精詳海內傳以爲
榮會試卷見者以爲前後無比氣平理明而氣附乎
理意深辭雅而意包乎辭學者無長幼遠近悉宗其
體如圓不能加於規方不能加矩矣選庶吉士一二
大臣不相能遂卽罷之主者猶以二甲前三名制策

曾經御覽欲各授以檢討唐子力請同罷一事而有
要聞非體始進卽能恬退如此試政吏部遷除兵部
主事未久因病告歸繼丁母憂母隨父之任信陽路
出天津卒於舟中後唐子每對人痛哭曰吾母相夫
三十年不及享其封教子二十年不得食其報其病
也方藥委諸塗人而不暇擇其良其卒也棺斂辦諸
水次而不克盡其心人生有涯此恨無涯呂涇野聞
而解之曰吳自季札言游之後雖世有聞人然皆未
有能並其盛者君篤學好古卽能升札游之堂以光
顯其母不爲優乎後王遵嚴序其集亦以此爲說或

雖習之耶抑偶合之耶其請銘於涇野也值雨雪連
綿泥途凍渾自僛與僕力或稍却則徒步行來不惟
見其孝心且知不藉官勢矣服闋收補吏部考功司
主事不隨衆作傲態而接人得大體掌管二考科查
考給由吏人簿籍各編字號豈但易爲力而且難作
弊也往時翰林皆由進士上甲與庶吉士兩途 聖
上以爲此不足以盡人途更其制選取十一人成自
科道部屬入焉而唐子則由吏部十一人者陳東尤
相厚入則陪侍講筵出則校讐東觀暇則盃酒歡宴
或輟日夜不休素愛崆峒詩文篇篇成誦且一一

歟之及遇王遵巖告以自有正法妙意何必雄豪兀
硬也唐子已有將變之機聞此如決江河沛然莫之
能禦矣故癸巳以後之作別是一機軸有高出今人
者有可比古人者未嘗不多遵巖之功也居官尚節
樂厲廉隅兼且議論英發人雖有忌之者然而頗服
其才稱其公不至不能容其羅峯張國老雖會試舉
主惡其不相親近有慶賀事遠投拜簡躍馬徑過其
門因其上疏養病則票一旨意云唐順之方改史職
兄見投對訓錄乃輒告病着以原職致仕去不許起
用報出土夫駭之而唐子曾無愠色父在浙泛聞有

事不知其何事及得致仕消息喜謂所知曰此有甚
事原以秀才得官今還其官矣固無損於秀才也議
者以羅峯險毒而唐子高亢後羅峯有悔心家居日
嘗言倘蒙宣召務薦用之了此一事仍復還山嗣是
焉相者寧復有此意哉唐子既抵墟里雞犬柴門依
依桑梓謝卻業緣便有終焉之計矣詩文更進一格
以其侍從慶成朝堂雍容之作而爲村樵漁父歌詠
太平之詞又以其暇日精究天文而問數學於顧若
溪久之乃有獨得處以古曆惟大衍爲精被僧一行
藏卻金針世徒傳其驚鶩譖耳郭守敬別有一法口

孤天圖筭孤矢有橫立赤黃白道變轉最爲活法三
道之畸零可齊而氣朔之差可定知曆理又知曆數
此其異於儒生知死數又知活數此又其異於曆官
者也所著孤矢論勾股測望論乃千古不傳之秘而
曆家作曆之本也嘗至廬州時蔡克廉以府同署印
將約之同遊境內山川蔡辭以有筭糧事相妨唐子
乃討善筭者十餘人人各與一數筭訖記其槩只數
字凡三四易自撥盤珠每一數亦只記數字不移時
而一府錢糧數目清矣老書筭咸驚嘆天下未有若
是其神速者也往費一月之力工食紙筆催辦騷擾

臨時猶有不得真數者至於擊劍騎射之法無不各臻其妙從之遊者甚多雖談說應舉藝文未嘗不本之身心道德經學雖主宋儒然猶參之漢注如十二經疏者無不究覽而三禮春秋尤所畱心著有春秋論禮則以王鄭之說不可偏棄會起廢兼補東官員缺十餘人而唐子不與焉東井左鑑言之內閣失唐殊不愜衆望已而內旨不允再推因而及之得爲右春坊右司諫其實乃予言之東井而東井言之內閣也至京則向所交遊者多半凋散世所指八才子者獨少二人仍相與繹舊業正新知與諸友俱有益而

其戒予不當着恭止予不出醮銀及稱予覆疏的確
迄今何可忘也俸薄而用不足官閑而樂有餘不但
辭受不輕雖一拜往返之細亦斟酌可否而後行之
名旣高而心愈下年漸長而操更嚴同羅念庵趙浚
谷上封章請朝東宮因以激上之怒以爲意在刺
朕閣臣又有身首異處不足償責揭帖事勢似不可
測矣予爲之多方求救如崔京山等不遺餘力因召
見言及之聖心本無他章畱二十餘日始批下俱
奪職爲民再還鄉而窮愈甚父子兩宦多年止增田
百畝人窮返本所謂霜降水涸天根乃見也用是參

透世情節忍嗜欲以培養性源久之此心凝靜百物
皆通今人未免苦窮未免粘帶未免撻引苦窮則靡
所不爲粘帶之根固於中牽引之勢播於外處則躁
無仕則貪婪無一可者矣嘗欲得一民一社自效其
能而竟未之遂閑居每以民隱爲憂其論均徯不欲
舉行新法十年一役雖極重百姓無不甘心一年一
役雖極輕百姓無不怨自蓋零碎苦楚難受也以至
大戶之詭寄官戶之濫免其說甚悉而尤長於計筭
糧數區處災傷主計者之蠲災率十裁而爲七牧民
者之上災率七溢而爲十水旱不可不存恤而免運

又不可減免於是有輕齎之法以米折銀民止須一石之輸而國不失一石之入蓋此法於不可減免之中而寓可以通融之意不必制其正賦之盈縮而但制其腳價之有無不必裁之以豐凶之歛散而但裁之以本折之低昂一無損於國萬有利於民武進一邑歲該僦運五萬四千有奇此入於國之正額本色正耗水腳平米七萬九千有奇折色銀九千有奇此費於民之羨數漕運百萬石有輕齎四十萬以待四方之水旱來告者江南米賤而京貴若取銀江南而散拾北軍則南無遠輸之費而北無賤糶之困矣此

甚有益地方因詳書之性好遊好靜常避人居宜興
陽羨山中有得於心靜居亦遊也遊亦靜居也過岳
亭遇盜竄身於江生平不善浮水然得不死亦奇怪
甚矣過歷諸名山其在武夷則爲與遊巖撰乃翁行
狀非浪遊也嘗言人用之不敢以隱不用不敢以求
其爲兵部主事也予以書讓之曰此一起官頗紛物
議出非其時托非其人若能了得一兩事急急歸山
心跡庶可少白於天下不然將舉平日所守而盡喪
之矣唐子得書不以爲忤第言行止非人所能聽其
自至而已兩次復書終是婉護其意必以爲年且長

矣不際此一出後恐無時又佛肸欲往之意也豈知其終是不可哉已而由主事歷陞職方司郎中朝議以蔚鎮邊垣東自石門塞西至鎮邊城延袤二千餘里又京都陵寢關係非輕鎮兵缺少欲行招募選補分區設將操練禦防題奏允行久矣每遇防秋輒稱兵寡且弱多調邊軍糜費司農告急議將降勅遣一部屬前去經理行令總督王忬督同鎮巡等官歐陽安馬珮責成總副叅遊守備提調把總等官揀選精銳分別奇正一切方略詳細具奏定奪衆以唐于國心邊務堪以差委遂領勅書關防星馳至地方會同

山海關巡關御史王漸從石塘嶺起東至古北口塘
子嶺馬關谷又東過灤河至於太平寨燕河營而止
凡爲區者七又會同居唐關巡關御史蕭九峯從黃
花鎮起西至居庸關鎮邊城而凡爲區者三總兩關
十區之兵原額九萬三千八百九十五名見在五萬
九千六十二名逃亡三萬四千七百六十二名此外
更有天津河間等衛春秋兩班官軍二萬二千二百
八十二員名又有大水谷白羊口曹家寨遊兵九千
名夫兵之缺額其故易見兵之不練其實難尋救弊
之策補兵獨易而練兵則難專倚邊兵不練土兵城

有如 聖諭者十年來謂在練兵不在增兵者惟有
總督楊博一疏而已漢光武以漁陽突騎定天下廉
之藩鎮專兵而盧龍一道常虎視河北古所謂其人
慷慨勇悍而沉鷖者也今乃瑣悞綿緩靡靡然有暮
氣之頽惰而無朝氣之精神就而閱之歲卒朽戈十
常七八力士健馬十纔二三其於五陣分合之變五
兵長短之殊不復講習久矣老嫗未汰紀律又疎守
猶不足戰何以堪其間伉壯可用者惟洛陽寒夜不
收千餘人及三屯建昌兩營古北燕河兩區巡撫標
下民兵射手數百人前在畿服之內百餘年來止有

熱夷小警至庚戌以後北虜諸酋合謀入寇其禍始烈矣於是條爲九事上之定區帥以分練明賞罰以勵士雜邊兵以同枝而選鋒夫練火器則九事中之尤緊要者也而通水運便轉漕亦四時言及之奏人多見施行浙江舟山地方久被倭奴殘孽負險盤據咎在人玩兵疲不曾大振兵威協力督勦雖節被當事諸臣殄蕩但方屏息於此旋復馳騁於彼禍本已深急難撲滅况又水陸兵將不肯同心文武廉察亦無矢志海防地利設險未周歲久日多人情滋玩兼以民窮財匱供億維艱本兵題請宜特差部官一員

連去經畧以爲安攘之圖查有本部郎中唐某生長江南久知夷性且又素曉兵機近查閱薊州兵馬兩關振飭卽收堵截大虜之功相應復遣仍給勅前去浙直等處會同督撫等官督責大小將領并兵備有司遵奉嚴旨先將舟山見屯餘孽設策剷平中間有兵將司府仍前怠慢不共濟時艱者卽行叅奏以憑處治及將緊關海防處所或選士掄才或增兵易將羣策羣力並集兼收凡百戰守機宜周詳具奏以備上裁未久卽陞右通政同尚書胡宗憲經畫兵務已又陞僉都御史巡撫仍管前事未及來歲春汛之

防預爲經久可行之計其所條諸事似尤精切禦海
洋而固海听圖海外而別人才定軍制而足軍需復
舊規而鼓軍氣至於早定 廟謨則其說愈是而其
見獨長二十年前並無倭患今忽有之須求其故古
云兵久則變生近日吳淞定海之間水卒呼糧扶官
轉吏則民變之漸矣蘇人素怯今亦燒官寺劫獄囚
闕然一逞則兵變之漸矣况憑倭導倭自爲倭者可
勝計耶惟願大小臣工畢上其議仰求 祖宗以來
招懷撫諭之由背叛殺絕之路如何可以永斷其路
如何可以潛消其萌苟可以利國不必爲序家顧慮

苟可以便今不必以成說拘牽是在 聖明從中獨

斷毅然行之不然則雖百戰百勝猶不勝也况未必
勝耶至其分別來船去船功次則更爲確論水中首
級一槩以十五兩行賞不知打來船之難十倍於打
去船也去船殺人劫財已滿其欲殺一賊止是一賊
若殺來賊一人却全活數命若題破得來船真倭首
級者雖不同之陸地首級三十兩量增銀五七兩則
爭打來船者衆而賊之登岸者少矣其奉使集中所
言多奇謀偉畫未得盡展而天遽奪之速矣嘉靖庚
申四月一日以盛脹舊疾卒於揚州距生正德丁卯

十月五日至是年五十四柅山田頌嘗恐其不過四十相士有謂其四十六且歿者以其數則過矣以其德而宜壽則未也本以天性剛方而又問學克養使壽至耄耋事業寧止於此有問其爲文者則應以始尊秦漢繼好宋唐必須完養神明以深其本源浸涵經傳以博其旨趣獨存本質盡洗鉛華透徹光明委曲詳盡雖從筆紙寫成卻自胸中流出如說家常話而作家庭書所謂見理明而用功深者乃始得之也有問其爲學者則應以必先不爲習氣纏繞不使欲障起滅好是懿德好仁無尚真消息也終日如愚終

日忘食實功用也已將舊時伎倆見解一切抹殺清
明中稍見標影原是靈明混成者以爲有物則何思
何慮不覩不聞以爲無物則參前倚衡瞻前忽後三
代人才皆從心性上磨煉故其參贊經綸之業不出
戶庭而得之後世反躬自得之學不傳而攻辭雜興
之徒紛出矣唐子以此爲文爲學宜乎有用於世而
亦有名於世云嗚乎人徒知唐子之進道匪懈不知
由其父教之而後有以成其學也知唐子之遁世無
悶不知由其父安之而後有以樂其天也知唐子之
應用無窮不知由其父作之而後有以善其政也非

是父不能生是子非是子不能承是父唐氏世肖其
永昌矣子一鶴微庠生能讀書肖其父所著荆川集
十二卷所輯名賢策論及左編等數百卷俱行於世
同時數子惟唐子爲大中丞稍得行其志歿有論祭
葬予自良朋之喪文行進寸退尺而唐子今爲枉尺
直尋矣鶴以行狀求洪芳洲以墓志求趙大洲傳則
羅念庵而表則予子以少洲之意亦惟作傳其三文
俱未之見而念庵近亦作古人矣子當又爲之一傳
也

祭荆川唐先生文

萬士和

惟宇宙之靈氣實造物之所秘非時與地與人之相
值則或歷數千年而不一寄嗟儒者之寂寥而正學
之蕪廢豈元氣之漸漓抑醞釀之未至若吾師之有
生得精靈之所會固天縱之聰明發天光於智慧蓋
乾坤之翕聚者至是一開而吳地上下數千年間於
此盡收其粹世之分門立戶登壇說法者既非性之
所安而規矩準繩謹守格套者又病其爲忠信廉潔
之似不靠傍以隨人揭真心以從事修飾遮蓋吁其
離齷今寧痛癢之自知而冷煖之自試震雷過而不
驚泰山撼而不墮持空拳禦萬馬而不播蹈水火入

金石而不貳爲必要其所成力必如其所志夏不扇
而冬不爐日忘食而夕忘寐惟良工之苦心造種種
之奧遠觀萬物之備於一身信精神之通乎天地故
先生之一嘆一唾莫非寶藏之所存而人之得其一
枝一葉者猶足以垂名而耀世其博物也天文地理
經書子史醫藥算數之說靡不貫串其微然一經揀
擇則如李光弼入朔方軍而精采頓異其取益也佛
氏之禪定老氏之虛靜養生家之窠竅靡不悉得其
玄然一親經歷則如身坐相輪之上而曲直不蔽學
以操鍊爲主則經歲不食肉廿年不洗足野人所不

堪而先生持之益勵性以奢侈爲戒則身不輕置一
末屋不輕易一椽廉士以爲難而先生行之自遂時
疑然以深思或淵然而默識苟一得之未融歷數歲
而不置忽豹變以龍騰肆泉流而火熾功久熟於仰
鑽悟直參乎道器涉傳註之浩繁厭支離之破碎既
淘沙而得金彼糠粃之盡棄及恍然今有聞乃豁然
分無累敢奇功於一源會萬象於同致自博而約由
粗而細如莊生之所謂承蜩解牛斲輪累九之技要
皆道之所寓至其得意忘言點頭一笑亦何讓乎會
之唯而顏之喟蓋雖查滓未化較聖學於毫釐而至

大至剛斷乎其棲孟氏之裔惟根茂而資深時漏洩
於文字捐早歲之蹊踪失向來之鑪鞴雖其首尾接
續變態偶奇取諸班馬韓歐之精華至於識見獨出
則一掃陳言之蕪翳莫測者機極壯者勢近作出塞
新篇遂奔放豪邁而不可制既見惡而如警亦見善
而如嗜卽一能一長者雖庸人賤役或駕舟千里以
相尋若泛來泛往者雖公卿貴客至扣門竟日而深
避以是而獨立不阿亦以是而招尤連毀苟余心之
不愆何謗訕之足計比所得之益多猶耿然其自視
嘗欲一人不接一床不置坐草根於空山求面目之

所自宿習盡銷靈根始著假三年之不雜將一得而
永昇嗟此志之難陳值倭夷之爲祟此已屠戮之難
堪彼方斫人以爲戲凡有人心者能不一動其念慮
而况萬物一體之仁夫孰非冠之當纓孰爲尸之可
閉且蒼生之望方殷廟堂之薦相繼乃翻然而改圖
奉詔旨以從仕始委之以巡督終托之以撫治於
是勞形殫神鞠躬盡瘁以隻身接兇寇之鋒鏑以六
月居東海之瘴癘號令嚴明威行將帥方張之封豕
旣摧已聚之長鯨盡殪三吳淮揚至今帖然者實先
生之所遺病旣亟以彌留志之必而愈矢誓不安於

雅廉乃還方以警示屬天鼓之鳴舟遂壅坐而就斃
嗚呼先生之處也草木木食若將終身未嘗享人間
一日之富貴其出也屢危蹈險傾家貲以助師未嘗
享有官者一日之祿費卽其山中事業雖公相何足
爲軒輊然而剖破藩籬去彼取此者誠不忍下孤四
海之心而上負天之所畀胡正學未明而議論喧阗
素同者或以爲疑素異者則以爲忌一時共事者既
憤其激切之難勝至泥於形跡者又遂倡言而力詆
邇先生之始終豈改其一介不取之義彼且千咽萬
鍾不顧而何有於蟻羶之垢膩昔伊尹之元聖尚不

免好事者之議矧先生之志伊則亦何解乎說說者
之喙和自蚤歲卽蒙教誨薰陶琢磨靡不周備喜其
心之稍淳慮其質之柔脆以整襟危坐爲外馳以逼
身無病爲藏穢裁也駢心之未降揚也古人之可冀
其驅而之善也若策駑馬於前途而不息鞭箠其防
其墜落也若以一髮引千鈞之石臨萬仞之淵而將
至於墜山巔水涯花前月際或扁舟相從或徒步隨
侍任爭席於樵夫僭跏坐於僧寺噓之以氷壑之風
飲之以上池之味時不言以傳心視針眼之相對凡
和之蠡測豹窺夫孰非先生之所賜丁巳一別四載

違背蒙寄手書言及進退和適宜沉聞之沈慰惟先
覺與先知豈自私而自利信果哉之無難納溝壑其
誰罪以是復於先生而先生謂之曰智方謂宇宙之
大擔當有人詎意龍蛇之辰適逢其季計音遠來五
內煎沸如可贖今恨不即逝乞身不報官如肘繫及
今撫棺歲已再藝入室屢然魂飛魄悸乘化返真先
生何意木壞山頽其奈我輩昔等交於朱蔡以弱息
配先生之嗣托同心於骨肉庶幾勉以相濟嗚呼詞
短意長孰知我懃就几筵以布懷仰青天白日而涕
淚聞至人兮不歎庶幾靈之不一昧鑒
一念之微忱其爲我歆而仰爲我意

都察院右僉都御史柱野趙公錢墓志銘

賈允

林樹聲

公諱錢字子舉一字鳴卿別號八柱野人上世著族
燕山宋淳佑壬子藻公游寓桐城樂其山川築室牛
山下五世而葬道公避元季寇亂徙邑之諸市巷遂
著藉焉葬道生敏敬敏敬生信信生永芳永芳生弼
號一竹以公貴封吏科右給事中始一竹治儒生業
游賢舍久之以母老棄去力耕佐養嘗道拾遺余訪
遺者還之里中無不誦其義者配江氏封孺人生子
五人公其第四子也公生而骨相瑰異八歲善屬文

邑令蔡公銳見而奇之置膝撫其額曰驥子神駿當
一日千里也甫弱冠游邑庠每試輒冠諸生邑令謝
公炯尤賞重其文庚子舉南畿第一人甲辰第進士
授刑部浙江司主事默識明允時稱神明改禮科給
事中庚戌張文隱公畱公同考會試公力辭是歲汪
太孺人年八袞公竟以冊封得便道歸上壽還朝轉
工科左給事中巡視京營時咸寧侯仇鸞怙權寵占
復軍卒公抗折不撓嚴點閘勒士歸伍因條列軍政
六事奏入下所司議行戎政一飭仇衡之未發思中
公公不爲動會一竹計聞公奔歸服闋補吏科都給

事中丁巳京察考察公疏言虞廷黜陟能使庶績咸熙分北三苗夫考績非以威遠也然公道明則人心正中國安則四夷服今南倭北虜警謀未息茲舉宜伯效愚母爽國是使賢智奮庸著績安攘甚盛比命下公覈去畱所抨彈咸當僉服其公戊午陞南京太僕寺少卿專蒞馬政是時民養種馬而官驗有銜痕者恒峻其罰公曰畜馬禁騎坐是贅物也弛令自便民德之立祠祀焉公嘗與僚佐遊瑯琊山見農人苦旱躬禱於豐山雨隨注滁俗耕者專仰雨澤遇旱潦不飭備公爲文諭之民用興厲陂塘溝洫以時修浚

種種被野滁人賴焉作亭豐山饒之石以章久遠滁
舊有陽明書院歲久漸圯公斥羨金新之朔望聚諸
儒生闡明良知之學諸儒生習其指者皆興起累遷
南京鴻臚寺卿通政司通政太僕寺卿晉僉都御史
巡撫貴州兼理軍務貴處極徼虞瘴癘有言者公曰
丈夫不志四方平驅車行比至貴值土舍韓甸攫司
印逐流官糾黨旅兵三省騷動公命總兵官石邦憲
率夷帥冢繼武等會勦之繫其渠首羣黨悉平餘寨
皆刻木誓不異萌貴既荒遠東北連播州西南雜土
府民僚錯居習亂易動公圖畫便宜條奏六事皆議

行焉公處官事如家相度城中荒土引渠走潦辟水
田渚流爲池教民習耕植貴之知水耕自公始作鳳
嬉愛山諸堂與諸大夫游而樂之曰使吏於土者釋
羈思以安職業匪直事燕游也衆聽其言無何有冒
其功者當道惑之調公南京用復倡議裁革軍門者
公貽書大司馬虞坡楊公言不便狀且曰鈇逐臣也
猶喋喋不置此棄婦願梁笱耳其忠不忘君類若此
公歸罄俸入建祠堂五所以奉先世之宜廟食者而
蒸謝二邑侯則列祠於念初堂報知已也歲以冬春
二孟舉祭祭之日合宗人讀律法寓勸誠置義田一

區收其租入以供二祭有餘遍施三族周其婚嫁衣食之不給者居恒追慕一竹公不置著哀竹操歌吟以寄思暇日與諸昆弟觴酒過從竟白首無間讓產推分其孝友純篤蓋天性然公恂恂長者記德忘怨與人交肝膽洞視倜儻有大度好禮賢士作宜秘洞招延賓客廩食其來學者晚悅佳山水勝日肩輿往來龍眠浮渡麒麟諸山灌園桐陂復自稱瓠園丈夫預營壽藏於石鼓山題曰俟丘取修身以俟之義云爲文章自出機軸精光百倍作幾希圖闢方士論講學諸說皆闡明理道出前人所未發詩律清遠樂府

古體興托不凡所著有古今原始無聞堂藁鶚林子
九夷古事等集行於世生正德壬申四月距其卒隆
慶己巳七月年五十有八

僉都御史溫景葵傳

順天

郡志

溫景葵字汝陽大同舉人也其文行爲鄉表令長山
陞御史守蘇州並有治績嘉靖庚申邊事孔棘兵道
初設乃自霸州道移任荆制運籌詳審精密任四年
政兼百善事恆人心功垂世軌如敕賤傷農立爲糴
貯法因軍餉對支掠害商人立爲入倉法因將士重
冒行糧濫費立爲稽塗法因後府催徭殘坑衙職疏
准爲徑解惜薪司法修建昌營劉家營石門寨半壁
山等城爲邊疆保障未再閱月新郡城樓七座處望
有方財不費而居民不擾爲重鎮偉觀遊八庠士館

之孤竹書院聘師豐稟嚴程課如親子弟然聯登科
用皆出其門約軍衛而寬嚴並用遇士夫而恩禮兼
隆在任四年圉蕭清而民安堵加叅政俸癸亥之變
總兵陳及督撫重譴朝議難其人科道交薦特擢都
御史巡撫順天其澤及永尤深居三載告病歸今人
亡而澤不泯歲久而思念深云

右僉都御史王鎬傳

寧夏

永平志

王鎬字宗周濠之陳里莊人也父璋爲義烏丞母李氏感異夢而生長七尺如神英規比玉家世故殖爲友人周冉之難以貧值侵歲自啗糠粃而以粟事母嘉靖壬午舉於鄉嚴嵩爲司業欲收之門下不顧已丑成進士授大理寺評事廷尉推重之就獄必屬焉京師有惡少誘宦家子淫博失千金廷正欲重惡少罪鎬舉古人言曰凡居官廉雖大臣無厚積其厚積必貪婪致之如子孫善守是天福不道之家不如恣歸於人廷正善其言而止居二年贈父母如制改山

御史首言追崇之禮出自

聖孝議禮諸臣不

追將順而已何敢貪天功以微榮自私當時中外臣
僚羣起攻之未必無所見何至廢退者未起禁錮者
不釋哉疏上人爲恟懼而不恤也初按江西興試事
所舉皆知名士或有私相媚者鎬曰寧得罪於一家
不得罪於多士竟黜之而相不銜世以是兩賢之再
按河南諭其屬曰當興不興者爲善人遺害也當革
不革者爲惡人殖利也下令蠲贖緩出餘帑大築黃
河堤連護十城全腴田萬頃境內人材不通姓名舉
之而鼓勢行私者抑焉京營冒鉅萬計姦利不可勝

數而提督臣爲宰執肺腑親人莫敢何問鎬巡視之
輒奏去甚者宰執銜之出爲山西副使兵備代州邊
有警而代當衝鎬備禦免虜患而銜者已媒孽其間
左遷湖廣叅議提督太和山至則督發中貴人贓弊
人以天神目之轉山東山西副使甘肅行太僕寺卿
兼攝四道戎馬貨胡馬入百威武大揚轉山東右叅
政駐節萊州府卻羨金四千兩轉湖廣按察使禁戢
宗室爲暴者數人王以書來好客使者去已卽投檄
中封之或於法得釋使來謝乃引使至檣取書還之
賈未發爲報曰法當如是而吾安敢低昂耶後書不

夏來里於韓璽調停成足之轉右布政值左轄缺攝
事論諸解銀者入則所司緘封進出則原緘發之惟
據案端生懸術謹權錮鉢無所移莞庫不得與是時
倭寇猖獗爲繕城池備守具給餽餉散土著子弟往
山青設伏左右翼繫殲之沉大勝數十擒斬俘獲無
一東還者論功當超遷一級廢子不行間止得賞銀
幣轉右僉都御史巡撫寧夏入境輒有斬獲會楊襄
毅公初入吏部首推之欲擢貳司馬相子世蕃人恚
曰楊初入吏部必先舉王某者私也亦甚輕我且抑
之嗾給事中某論之云素履雖不玷於清名今日實

難堪乎重任當召回京別用旣入京遇嚴相長揖而
已遂乞骸骨歸與兄同居貴不置私索視猶子如已
出終世未嘗一言干有司遇親舊有婚喪者輒助之
而佐士之不給撫按交薦無虛歲以年至而堅臥矣
隆慶戊辰不疾而卒萬曆改元覈邊功賜銀五十兩

都察院右僉都御史霽寰先生吳公維嶽行狀

貴州

汪道崑

先生諱維嶽字峻伯孝豐人姓吳氏其先自淮海遷
宋南渡居孝豐明興先生六世諸祖並顯其一歷通
政司叅政其一守萊州至大父吏部公家大起吏部
公二子並登進士長公麟由御史歷山東按察司副
使以親老歸次公龍由吏部郎中歷叅政吏部公賜
爵如子配張氏封宜人當是時門戶赫然盛矣宜人
夢天女授美子曰帝畀汝孫於是家婦方恭人有身
以正德九年六月四日舉子宜人昔夢庭下立柱石

予仍上屬於天長公亦夢舍後山高出雲端巖巖嶺
立則以爲貴微也因命名奇之先生頎而莊英氣勃
勃始就外傳日誦數千言如勝冠輒起民間首諸生
籍嘉靖丁酉鄉試先生以執禮舉第五人明年舉進
士除江陰縣令操法得民會沙賊僭號反崇明與縣
夾江相距縣故無城郭先生躬率甲士謹備之賊無
敢犯江陰完境內三載應 召得刑部尚書郎先生
明習法家主部尚書奏讞詔定問刑條例部尚書舉
以屬吳郎於是吳郎具藁部尚書籍上之大稱 旨
著爲縣令庚戌虜大入詔收兵部尚書坐吏議輕連

議者吳郡從容上疏曰尚書無他獨事重發耳不聽
然廷中獨多吳郡慮囚江西囚得從末減者萬五百
仇者侵徐淡母塚淡殺之先生當曰淡以母故殺人
且使塚在辟淡得免劉福德讓里媼子不孝里媼子
出惡言福德怒毆殺里媼子先生當曰誅不孝奈何
與不孝子等死邪從輕議釋之朞月而徧部中法無
不當旣歸省居大父及父母喪泣血三年目幾眇喪
畢補駕部尋轉按察司副使督學山東先生下車操
功令唯謹謁闕里徘徊洙泗鄒嶧之間撤孔顏孟三
氏敎授司定約法勒石學舍宣言曰建首善請自三

氏始其世世守之廣厲諸生務在躬化所至左右文
行無不當於人心追祀名宦鄉賢表章節義齊魯之
士蒸蒸鄉風居五年進湖廣布政司右叅政尋進江
西按察司按察使已復拜都察院右僉都御史巡撫
貴州言者謂三省竝建撫臣請罷督府廷議貴州當
楚蜀之會今巡撫具文武材其以川東湖北轄貴州
罷督府便先生上便宜五事 上納之貴州半雜夷
道多剽掠乃馳羽檄分道遣材官護游校偵察之嚴
踐更懸賞格夷寨各立夷長籍記寨中諸夷若干人
保界分區界內有犯坐夷長於是諸夷無敢竊發道

乃通夷酋楊珂仇其叔進雄據六洞先生則以進雄
故立珂爲後後有子欲殺珂諸夷將釋憾於進雄無
所發珂急率憾者距進雄歷十有七年當事者議未
決乃授有司方畧責珂降珂乃面縛伏辜待以不死
事 上詔賜白金文綺論功有差於是先生部署諸
夷法不軌者時王世麒叛清浪宋廷武宗鵬宋鶯叛
草唐王阿利等叛平伐先生笑曰世麒祖父逆節父
滿天誅乃今濟惡不悛亟誅世麒以正國法諸宋由
乎襲起黔蜀觀望三十餘年出其不意急縛之一族
足矣平伐負固爲虐可襲而擒於是斬世麒擒廷武

鵬鶩俘阿利境內。平會有人言先生以改南去先
是先生聞仲弟維庭病甚則自江西趨歸未至而仲
亡哀之甚會程期急尋以單車赴貴州居常念仲不
忘食浸減驛書至先生頓首曰臣不幸有狗馬病使
臣得歸骸骨終餘年君之賜也先生彊直方正不
取苟容初對公車長公所善故人在供奉先生無私
謂心望之先生射策得當執政間且薦高等故人匿
先生牘遂不前居江陰會舒御史汀行縣故事御史
謁廟縣官長跪候車御史方齎乾諸縣官暴甚先生
倡言曰天子置縣官南面而臨百里且先師在柰

何曲蹠而蟻橋門御史目攝之然卒未有以中也始
爲郎吏部尚書熊公浹請以吳郎調吏部坐不拜嚴
相國議格不行嚴相國屬先生序鈴山詩先生固辭
謝畱山東不調客以行間說先生先生謝曰僕待罪
儒宗終不以善士而間相國坐泰安州試士段御史
顧言且按部來有司請避舍以居不許潘臬大夫畢
從御史登岱先生獨畱不行及赴江西監司遇御史
京口前驅不避御史嘆之上遣使者出貴州使者
失望尋中以飛語御史亦倡議南中嗟平直道不容
卽明時不免耳始歸田里季弟維京亦自禮部移官

先生語曰吾結髮入官齒駸駸暮矣自今惟日討諸
子而訓忠孝力耕稼供田租此吾事也季齒壯其母
忘先業以報國家比年讀書灌園將以家食老矣季
轉南京刑部省先生於家會先生哭嚴氏女遇哀病
大作踰月而病革召季及諸子屬後事語甚詳願謂
鄉人某子甲往饋朱衣母以歛乃瞑先生家世益州
顧折節務恭儉年少嫻於文學終身不衰始從宦京
師執舉子業師事袁郎裴莊郎用賓旣而講德修辭
師事毗陵唐太史應德從毗陵諸令善臨川徐良傳
臨朐馮惟訥從諸尚書郎善濟南李攀龍江東王世

貞武昌吳國倫廣陵宗臣朱曰藩當是時濟南江東
並以追古稱作者先生卽逡逡師古然其持論猶宗
毗陵其獨操蓋有足多者乃今遺文具在大都載奏
議及歲編中

僉都御史楊公豫孫傳

胡廣

楊豫孫字幼殷華亭人爲人絕穎慧彊記博極羣書性端嚴沈毅明於理學卽私居無燕爽之容與人交傾肺腑相示而尤好稱引善類年十七舉應天丁酉鄉試登丁未進士釋褐南京吏部考功司主事陞禮部祠祭司員外郎中陞福建監軍道副使改湖廣提學副使能正己率人望之儼然諸生自考校外不輕交一語尋陞河南叅政召入爲太僕寺少卿未幾改太常寺少卿提督四夷館時華亭公當國引豫孫自輔凡海內人物與國家典章悉諮而後行由是士大

夫徵求知華亭公者日輻輳其門豫孫遜謝之終不
能違乃力求出遂擢僉都御史巡撫湖廣豫孫練達
政務諸議人情案牘剖決如流日坐鎮雅俗而已按
下官勤敏有禮吏犯小過輒以好言勸諭之不欲爲
東溷毛鷲之令人皆愛而憚之踰年地方稱無事以
病卒官遺命家人無受賄賂以免我平生其後上下
諸司有所饋遺悉卻不受其守已峻潔至死不逾如
此所著有經史譜遺二卷成史若干卷文集若干卷

都察院右僉都御史劉公祐墓志銘

大同

葉向高

公諱祐字淑修拙齋其別號也東萊掖人五世祖寬有隱德寬生宣宣生通通生真真生廷佩是爲公父真廷佩皆以公貴贈大中大夫浙江布政司右叅政公幼穎異絕人日誦數十萬言終身不怠十五補邑弟子員聞於江萊峰周公負人倫鑒時刺平度州挾策往師焉周大相賞譽諸生崔桓者有俊才周語崔若當北面劉生其他固無能先若也未幾公遂舉於鄉後若干年崔乃舉首世以周爲知人公旣舉益肆

方於學魁三載爲嘉靖癸丑成進士授中山司理析
微明允登薦剡二十六以高第徵入爲兵科給事中
侃侃言事無所迴避歲壬戌遷庶吉士進士某者其
父方貴顯賂相嵩使爲地公直疏其事且引昔人所
論九品中正之弊爲喻謂上品無寒門下品無世族
上感公言詔罷遷嵩擬試題進怒擲之地自此有
逐嵩意矣都御史某嵩黨也撫閩多不法公疏劾之
并總戎二人皆抵罪中外肅然隨以贈公憂歸毀甚
除服補吏科屬大計所彰輝悉當輿情四明宿司理
嘉興侯太守被流言公力爲申救得免其後二公並

至大條歟歷有聲公所爲保持善類多如此轉刑科
右兵科左已出守淮陽故事左右諫不當守公爲守
則以前貴顯者方柄銓修郗左公公怡然就道至郡
首葺徐節孝祠梓其遺文以示風勸列侯某建節督
漕勢張甚前二千石皆伏謁公獨長揖山陽沐陽二
令暴橫爲患按其罪罷之屬吏凜凜畏公如神明乃
其民愈親公有訟者公涕泣誨諭輒悔罪解去郡逋
賦十餘萬公奏蠲之淮人相率祠祀治平爲天下第
一當事擬有異擢修郗者欲撓公則語當事淮陽守
信賢第氣豪甚宜稍挫以藩臬使老其才遂晉浙江

按察副使備兵淮陽時海寇繹騷公日夜治兵逐賊
島中再戰再勝捷聞賜白金文綺通泰鹽徒縱橫出
沒至執教官校公謀誅之或懼挑禍公曰縱賊殃民
如職守何卽不濟願以身殉遂以除夕進兵夷其巢
淮揚民始安業晉浙江右叅政分守金衢吏民攀雷
兩臺使者聞諸朝詔從其請以新秩視事僅七浹月
晉都察院右僉都御史巡撫大同大同爲九邊要害
地去虜最近桀首俺答吉囊方相繼深入陷石州屠
昌黎塞下岌岌咸爲公難之公至則諏咨利害得其
要領謂雲中西聯東勝東接右衛聲勢連絡自二邊

失守以險予敵五堡之役復以兵亂不終雲中遂孤懸不支矣宜乘時聚落畚耒控險成犄角之勢漸而復五堡援右衛屯田訓士且戰且守庶有寧宇於是相地形增亭障稽覈耗漏率勵勇敢戒諸將各守分地毋輕出塞擣虜邊政大舉虜不得利引去間一入寇公督兵禦之俘斬數百奪馬牛羊千數捷聞賜白金文綺仍陞俸一級虜自是稍挫其部落多來降公疏請便宜處置千人以上則爵其魁游徼卒敢違掇者罪制曰可當是時微公雲中幾殆然公治軍嚴諸執務子弟不得竄籍冒功遂騰蜚語公亦以念母

太淑人甚移疾乞歸時年方四十三日率其弟次公
娛侍膝下于于樂也太淑人病公旦夕禱北辰跪進
飲食竟愈春秋登九十乃逝公歸養且二十年矣於
人子之心可無遺憾公猶哀毀不減於哭贈公時蓋
生平孝友出自天性家故無厚產田園稍腴者盡部
以予次公次公亦知公愛弟誠不謬爲讓也族姻知
故貧困公次第周給故童子師尹先生罷縣佐歸窘
甚公絕少分甘終尹身無敢失早年卽嗜濂洛關閩
之學紬繹不倦晚益精詣以爲學問在正心體不墮
知見賦詩作字皆非切務海內名人接公者咸遜服

自謂不如家居薦章屢上而公已絕意仕進以某年
月日卒於正寢距生某年某月某日年七十有三

會都御史侯公于趙傳

山西

杞縣志

侯于趙字宗度登嘉靖乙丑進士授平陽府推官清
介執法多所平反陞戶部主事尋改兵科給事中歷
工科都給事中前後疏數十上皆切中時弊戚畹武
清伯李某一日請營菟裘費三萬金上以太后
故允其請公抗疏極言其不可舉朝皆爲公危公亦
懼不測乃與家人訣別待罪闕下賴上英明袖
其疏不使太后知公得以無恙而李計遂阻於是
中外皆憚公爲直臣矣尋以開泃河議與江陵相公
左遂出公爲江西大叅陞湖廣按察使右布政尋陞

山西布政使未幾擢爲都御史巡撫本省先是石樓
饑民聚衆爲盜勢頗猖獗聞公命卽時解散時北虜
順義王奄達物故部落內閔公慮有意外乃多方宣
諭虜酋黃台吉青把都捨力克等移咨延鎮傳諭卜
失兔阿不害等各以恩威相持勿生它故陰爲練兵
儲糧之計邊方賴以無虞屢蒙白金文綺之賜未幾
以母憂去家居十四年累薦不出卒年六十二子應
琛詣闕請恩例應一祭半葬 上念公邊功特賜全
葬及妻張氏并祭祔葬蓋異數云

都察院右僉都御史阜甯陸公樹德神道碑東山

王世貞

陸之居華亭自婁戾遜始也其後機雲以文學擅天下聲而他族之在江右者九韶九淵並挾孔氏不傳之秘後先爲東南冠綬然未有如今中丞公仲季之盛者始中丞公與其仲氏少保公樹聲用經術取巍科俱叢文苑標而又能相砥礪名德至賢公卿乃其所得於心學者吾不知於韶淵何如要之當聖門不爲後矣中丞於秩爲第四品其卒也法當僅得祭而故嘗卿太僕領中大夫誥中大夫三品下於是兩臺

以中丞計聞而以太僕故秩請 詔予祭復予葬法
得樹碑神道少保公手纂公事行累數千言其子太
學彥積別紀復萬餘言屬不佞貞曰幸爲叙而銘之
貞視宮保公通家子素嚴公而善太學乃爲之叙叙
曰公諱樹德父曰贈大宗伯鵠娶沈夫人有三子而
公其季也公生而端重穎敏讀書能通曉大義工屬
對父母絕憐愛之然貧不能資束修時少保公已前
薨於李矣而沈夫人復逝公哀毀骨立已而里中薛
君見少保公奇之謂李父曰吾僅一女安得才如
爾婿者養之于李父曰有之卽吾婿之少季某也是

贈公年十三矣薛君請於贈公欲得女尚公贈公撫
公而泣曰苟而母在吾何忍棄之薛乎手錢一挺納
公袖曰與兒作美食公飲泣而別已而得美食輒以
奉贈公贈公嘗而惟之徵所從得則皆出自袖中蓋
公未嘗私一錢也贈公泣歎曰兒殆純孝矣公自是
文思屢發所受經凡四師皆謝不任而最後乃事少
保公得其誥獨深公益自勵勤苦非丙夜弗就枕公
雖名爲贅尚未授室及少保公之成進士而公補博
士弟子也薛君歸公於家使舉親迎禮備一鄉大夫
車御公公力辭曰士而大夫車非禮也竟以徒步往

時人異之明年當鄉試公不利有司而少保公時以
移疾予告贈公謀而欲道地焉公不懌曰是幾我也
始進之謂何謝弗應又三載始舉鄉薦明年下第歸
又三載以少保公預試事不聽入自是公連躋者垂
二十年而贈公亦已捐館矣公之在公車時屬其伯
氏夜中盜尉徽得其主名欲以爲功而見徽者不勝
楚自誣服公察其有寃色夜密聽之得其兄姊自相
詰語而徵其狀知爲尉卒誘使證也力請釋之俄而
真盜得贈公喜曰是兒非豎儒異日得備李官不足
爲矣公成進士業四十餘有善少保公而憐公才者

引之就館選公遜謝曰病不受佔俾也就選人格得
嚴州府推官於是贈公言驗矣公在事益精明雖耿
介絕俗而不喜爲煩刻其於單赤尤能曲體其隱以
故僅三月而聲稱著聞公於事勇往無所避太守意
忌之弗善也公亦弗爲動然至守當入覲公署郡事
而撫公有所羨非屬公調守何狀公力爲明其無他
守竟以是得免公弗使知也然至奉敕按武義令令
夜行橐有所居問公叱之出盡法無貸厯御史尚鵬
於僚屬鮮當意者至公獨無間言曰廉士廉士公以
卓異徵當授給事御史而會少保公石爲少宰公於

法避道拜刑部主事始公之徵吏民哭擁者以數萬
計避公不得則肖公像祀之於孔道以見思公既郎
刑部少保公實不赴少宰召也公不鄙其官益治文
法無害而與其同舍郎鄭履淳等遊相與砥礪名節
履淳上疏論時政大有所指撻實從公謀具草公始
欲聯姓名會疏中語稱少保公乃不果而履淳得
廷杖錮緹騎獄前是公以進士肄事時嘗具諫草其
言絕憇有人所不忍聞者同年蕭某讀而寸裂之謂
公歿爲名耶卽歿且累 上德而至是復語公第小
忍之職行及矣亡何公果改禮科給事中時 莊皇

帝每朝及經筵默不發一語公謂易上下交爲泰非
與公卿輔弼相論難何以劓君德而酣萬幾上疏極
言之不報公又條議諸邊計甚明哲顧語多侵總督
譚襄敏綸公旣遷兵科爲右給事巡視京營而譚公
入督迎謂公不穀戴慚願以見惜公疏且稍有所齟
齬不者不穀可奉以免咎矣公歲且滿例得舉刺而
所善者緹帥朱忠信希孝以其私人屬公公立論罷
之遷其科左巡視內十庫公擇諸中貴之謹愿者好
語之曰輪戶以公等抑勒畱難之故破家者屢矣然
非自公等始胡不自謀之而令我曹得爲名諸中貴

與然相戒有所約束矣亡何公以開封周趙二王國
悉和其饋餼俄遷禮科都給事中 皇太子將出閣公
疏所以資睿學者而未歸之身教語剴而精當是時
新鄭江陵二相國讀公疏而歎曰向永流也俄而
太子出閣公以侍班拜金幣賜詔天暑暫輟東宮講
讀公力諍之報聞當是時 莊皇帝頗倦政而日月
交蝕旱魃起公前後疏皆危辭侃侃而 上不豫公
疏請慎藥餌內言伐陰之劑不可服其請詳保護則
甚言仲夏亢陽之月所宜謹其指益危 上意不懌
然以公言者難之爲畱中獨下公所請召輔臣以資

靜養疏而諸大璫嘖嘖謂輔臣曉賢耶必靜養而召
輔臣如我曹何公亦不顧而諸璫中復有請開戒壇
爲上造福田利益者業得請矣公復抗疏言佛法
故非聖世所有特其空寂澹泊稍有合於吾儒寡欲
養心之旨故其說久而不廢若乃戒壇度僧男女兼
雜宜淫道侈固佛之所深惡者奈何輕信左右之說
而遽復之夫陛下不以聖躬爲虞無所事佛陛下
下而以聖躬爲虞則大禹之惡旨酒成湯之不迺聲
色萬全道也亦佛所契也上爲停戒壇當是時新
鄭江陵之好衰而互爲構公平心其間無所附麗二

公亦兩辭之有尚寶卿劉者上書譏切時政其大指
在新鄭公以非所宜言且得罪或謂公宜特糾之公
曰彼言事者我何以糾且奈何緣執政指無何上
晏駕時中貴人保橫甚新鄭決筴去之而公與言路
各有疏發其姦私不勝保遂逐新鄭而併齟諸言者
獨不能有所加於公會當議祧廟公請毋祧宣宗
而祧睿宗以嘉靖初所建世室奉之議雖格不行
天下聞而韙之於是官保公復召爲太宗伯矣公於
法復當避僅移尚寶卿滿三載始擢應天丞甫至而
當舉鄉試事棘以內外咸公主之纖巨井井公於丞

事毋所不精密吏洗手奉法惠浹間井又嘗以推攝
大司成事諸生服其行循循就矩尋改太常寺少卿
遷攝翰林光祿鴻臚篆故事九列若四品持資簿待
遷亡滿考者而公前後凡七年以中貴人保在事故
然公了無所觖望其任職奉公非諸公所敢望已進
南京太僕卿卿治滁故遊地也公第取前輩王文成
公建義倉及欵授諸生遺意行之而入爲太僕卿甫
上進今官出撫山東於是中貴人保者業得罪竄矣
公益發舒且感 上知思有以稱塞卽馳入境首同
民所愉若示之廉一切供張悉罷去與按使者約贖

修不相入車門絕私書條屬相戒爲慎公間畱客不
過酒茗饅菜而已客偶謂齊優一何拙耶公念必藩
司宴有之次日入謁以微言自引咎不已衆相顧錯
愕不敢對而優曼絕矣齊魯之詰盜者濫公悉集成
衆覆之而出其寃者又請裁募兵費蘇里甲戒苛罰
俱得報可東人大悅公素不喜食肉其行部所給奉
不過蔬茹一筭器而已筆朴不妄施獨於食量吏無
所縱舍時時一按覈皆以爲神明然公體羸而竭精
吏事遂病屏會德藩官後有白雲湖者故民佃也而
奪於主業已歸民矣而宦者與中貴人之代保者宏

有連必欲復之公執不聽然益邑鬱不得志上疏請
告歸太宰楊公巍歎曰吾獨不能爲東人借公須臾
耶爲言公之賢而請聽之計病痊且必用報可公得
請使院儼然一無所齎持至道途之資亦謝絕吏民
擁車而號者竟百餘里車枳不行公爲之揮涕既
歸闔門謝客唯與少保公相對以說道理巍坐竟日
間召兒輩侍立頗及微時事諄以修身居鄉大要警
一侍少保公行田里中兒爭指目曰非兩疏也耶公
踉蹌不敢當曰吾何敢望少值受吾自以犬馬病不
任耳公凡三被臺薦與少保公爲行旣而預朔廣之

推則公病矣公爲人孝友忠信其事父母獨能得其
懽然而哭之毀伯氏之食於家非公與少保公弗裕
也公之莊愛少保公亞於父其砥節秉行壁立萬仞
之志畧同然少保公寬頗以辭色假諸子姓而公更
侃然以故咸樂就少保公而懾公之嚴惟公亦自比
於程正叔先生以爲不如家兄也居官所與遊皆當
世豪傑所言皆天下大計所蒞處必間圖利便生平
未嘗以私干人亦不受人私其於諫忤旨及犯權要
人者數矣然而竟以其身免歷位融顯優游令終豈
非天哉嗚呼孟子所謂富貴不能淫貧賤不能移威武不能屈爲大丈夫者非耶

都察院右僉都御史孫公維城墓志銘

榆林

于慎行

孫公以萬曆壬寅六月十七日卒於榆林軍府冢嗣
洪基逆其喪以歸卜於某年月日葬於祖兆以待邱
命先期奉中丞王先生狀再詣穀城山下請誌與銘
禮也行無似故獲事公知其品地而王先生公之石
友以書來言誼不得謝志曰公諱維城別號衛宇東
郡丘縣人也洪武初有諱文中者再傳諱剛三傳諱
友四傳贈方伯公諱麟五傳贈方伯公諱尚賢六傳
爲公公母贈景夫人以嘉靖庚子三月十四日舉公

公生而體質端凝性資卓穎既補邑諸生文聲日進
隆慶庚午舉山東省試明年辛未成進士授濟縣知
縣服官恪慎能子其民旋丁內艱服除補太康邑俗
健訟伏不可詰公預爲籍記皆知其蹤迹主名有奸
輒發黥風遂止已丁外艱歸服除補任丘任丘當道
多中貴及士族繁倍二邑公持法堅信無諱與彊邑
賦不均履茲而登下之豪民無匿其奉過客如例而
止無加禮也滿考書最萬曆壬午召入授南京湖廣
道監察御史先是江陵相君奉情起復寧國諸生吳
仕期將上書薦之未發而郡宗武微得其章以白

擢江都御史檣檣者相君私人馳遽以告桎而整諸獄生婦爲寃書干言走都市哭公至首疏其狀劾都御史及丞下吏適戍邊天下快之故侍讀趙公志皋等皆以忤江陵指中考功法公又疏陳其狀謂三臣所言皆不悖無罪而錮觖海內心上用其言立召三公復位其後皆至卿相而方是時海忠介公爲大夫亟稱服公曰吾臺得尔君乃重耳中官田玉奉祠玄岳請得假符節如鎮守法公援引祖制力陳不可又以請宥言官忤旨奪俸一年而會丁亥內察公以考績入都座師許公從容謂曰某公吾所厚善方負

時名郎有他幸爲調護公對曰門人待罪南床惟知
彈赴戚畹喪者大臣爾他固不知座師默然於是竟
論罷某及他要人直聲益震已出爲松江知府時公
方按下江雲間爲屬則上書求罷主爵不得已爲改
永平至則值有海警督率將吏嚴備于振繕城濬隍
條平賦役采葺郡乘新昌黎孤竹之祠以暇延見諸
生品其藝術禮教大興再覲明堂課二千石治行皆
爲第一壬辰陞山西按察司副使分巡赤城赤城者
上谷要塞也公躬歷險阨簡卒蒐乘多修弩矢刀戟
守具益築亭障二百六十所皆稱堅利招屬夷史車

二族得其生口千餘分布塞下論功進山西叅政旋以考績進按察使受三品誥命虜小酋安兔恃其驍健挾市龍門曰請以鐵騎五千待命關下惟大師進止之督撫請公云何公曰無傷也因請試革其賞而遣譯語兔曰若乞兒也衆不能千人必借兵某酋某貪漢物誓不借汝虜王又陰許我召汝歸巢不則收汝部落吾以大兵蹙之爾安所乞命乎兔聞嚙指曰太師知吾虛實乃獻出邊徼夷自贖毋敢挾市幕府奏上其功進右布政使移守宣府與中丞新城王公同心共事謀畫相叅夷人關市乞賞一切裁以故事

一餅一嚮不得浮千歲積撫賞美金十有四萬及軍市租五千皆充年例將吏悅服久之遷廣東左布政使鎮人安公乃大譁督撫上書畱公詔從其請改山西銜分守如故滿考奏績受二品誥命庚子虜寇延綏詔簡才臣往撫廷議推公乃晉都察院右僉都御史開府榆林至而卜莊諸酋叩關乞款議者多不取任公疏九邊俱開關市而延綏獨閉不納有如虜衆生心號召別部併力內侵是以一鎮代受諸邊寇也且明詔業已許之而以小費渝約示不信於外夷一旦用兵所費將大疏入朝廷從之公則上言六事曰

預運發曰專責成曰酌馬數曰嚴賞規曰重命地曰
改市期部覆皆如請礦稅使者並緣西邊多所漁獵
公疏劾狀屬歲大侵糴關中粟萬斛以餉吏士蓄而
不饑先是宜府師某鎮之世家也力鉅而有內主公
與同城常以法繩其部帥則中公有南粵之徒及公
開府延綏帥亦移鎮共事如前一日登城而望積沙
高與城平命發餘卒除之帥因號其衆曰食不宿飽
除沙柰何邊沙不可盡也卒乃大譟甲而陳公啟門
問得狀乃諭曰本除城沙防寇攻耳安所得邊沙語
衆悟乃散而言官爲所扇動速以適公公第謝過求

罷亦不自白有詔畱公治亂卒首如法而公業以積
勞成疾及有此役亦不能無邑邑遂卒於軍郎中秦
君兵道劉君入哭檢其橐中餘裁秩金一錠軍中將
吏無不流涕鎮人爲罷市焉制府李公請比以歿勤
事得賜大卹禮臣未覆明年閱邊使者又以公所興
修疏爲請卹樞臣覆而未下乃藁葬以俟云公爲人
修長疎爽風骨稜稜不爲纖趨自少至老動止準繩
無失尺寸自奉蕭然其才廓落恢弘而出以愼密然
不知有機械事也練習朝典洞曉邊情凡所調度咸
中機宜去永平時僚吏以府藏羨金致之境上笑謝

弗納其去赤城口北亦然故給事某嘗出權相門下
爲公論所斥操重而入詔都將有所於言路及叩公
門闔扇謝弗與通山人遊客爭持朝貴尺蹠遊謁塞
上毋敢造公者曰固知其廉貧又不肯遊之路將故
不往爾遷官過里故人以逋租繫請爲居間解故所
服銀帶代之輸官而不爲言其與人多此類也座師
江陵柄政三爲邑令不通一牘塞上十年於中朝要
貴亦終無所請問其介特如此然其議論常依大體
聞有自恃操節而繩人以爲名者亦不取也

都察院右僉都御史定宇馬公文煒墓志銘

江西

于慎行

前巡撫江西都御史馬公諱文煒字仲韜號定宇青州安丘人也 國初六世祖四公有祝虎之異氏其里爲虎林四公生仕能仕能生斌斌生隣世隱於農隣生驥始用經術著名里稱五溪先生有子三人贈中憲公惠者其中子也娶恭人門氏是爲公父母恭人娠公大期而生白衣重袍贈公異之語恭人兒有貴德顧吾非久舍兒去矣再越歲贈公果逝恭人茹荼撫公六歲過里塾聞伊吾聲歸請於祖願就外傳

補長從季父霞山公受易嗜濂洛家言蒸蒸嚮遠十
七補諸生試輒領其曹耦而丁母基人艱嘉靖辛酉
舉東省試壬戌成進士除河南確山令綜賦均郵興
學飭傳事事可爲永利士民尸祝之尤稱其折獄爲
神一日有求盜卒磔歿於塗卒母詣縣訟殺兒有主
名公笑曰去今爲若跡之已從園墻呼卒故所捕盜
李某訊於庭戒門者勿辟人人爭前睨令跡殺人何
狀公遽傳令闔扉盡訊諸闌入者中有三人胸李色
動立叱縛之具服故李使殺卒者也某子甲與人共
販夜行澤中殺而奪之錢詭言中盜歿也公察其色

有異下之獄使吏給其母妻甲事露已自實奈何可
急持所奪錢來幸毋連坐母妻驚懼探米罌中錢付
吏甲遂伏辜諸所摘發多類此隆慶改元徵入爲山
西道御史出按鹺兩淮上便宜六日減開中曰收餘
鹽曰禁私煎曰議本折曰止截齋曰治權豪俱報可
比代積羨十餘萬金以抵正額商困乃甦請建運司
學處賈子之僞文教以興亡何請告起補浙江道廷
訊大辟政府有所欲出公勃然曰是嘗希相嵩指殺
忠臣錄及其二子罪歟且不蓋何言出爲政府不擇
而罷公竟用是麾守德安矣到郡猾吏聞其風重足

立卓犖之豪除戒勿犯馬府君隨州守坐昧露按如
法有要人爲請公執弗聽俄而要人拜楚中丞同官
胥爲公危公益發舒不少避中丞竟無以難楚恭王
聽而嗣子在抱攝者謀奪其國與妃相訐奏諸司維
治不能決檄公入王宮問狀公以片言折之羣小伏
辜嗣子得有國矣爲郡之明年城雲夢明年城孝感
又紜郇中要害剏小店新河二鎮募卒置堠刁斗相
聞郡無萑苻之警暇日集六屬諸生躬爲甲乙各以
便宜置學田共可數千畝徙隨州學宮於城爽塏偉
麗紳衿奮起至今頌之甲戌朝正月會上修先朝

故事表二千石尤異御路朝召見面勞之曰若等良
吏其爲朕善拊元元賜白金文綺頓首受出公名在
首列焉乙亥就擢按察副使治兵荆南荆故相君里
公一以惠文從事無所撓日討軍實教騎射增樓船
組練之甲雄於上游江故有堤而嚙公重築之堅實
倍舊荆人呼爲馬公堤也戊寅進左叅政備兵荆南
知敵屬歲大侵亟檄所司賑貸及條荒政下邑所全
活萬萬計又遴簡所部茂才餽而甲乙如德安令公
未去荆而兩試所舉士已各十數人一時人文彬彬
盛已會 上遣中貴爲江陵相治第監奴橫行部中

轉置於獄貴人規謝適已辛巳以久次陞按察使公
先後任楚楚人習公神明滋用震懼顧持大體不飲
以鉤鉅釣名民滋見德癸未入朝江陵相已適主爵
雅知公久淹卽拜江西右布政使轉左遂晉僉都御
史巡撫其地出教以十事要約長吏曰持廉平勵明
作除繁苛謹防禦重獄鞠慎催科拯弊俗減訟牒禁
淹繫省追呼十三郡奉約惟謹而臨江守某最號爲
毛鷲所箠殺平民甚多前中丞發其罪下公勘實竟
伏法不少貸金谿民以均田窘其郡邑倅丞因集亡
命自衛縱劫掠勢甚張公聞報從數騎馳往諭立解

散之梟其渠魁屬從事良吏爲均其田民不敢譁革
除夙難諸賢練公安曾公鳳韶輩久已褒錄而親屬
坐戍如故特疏請解囹圄所釋還百餘人公論快焉然
公執繩頗嚴下不得逞求所間公廼嗾悍宗數十人
譟而呼癸庚擊傷吏卒公以狀聞因乞自罷 上爲
譴削悍宗任公如故諸不逞益恨然無以中也公往
城孝感嘗得古鼎一王元美作記以爲此仲山甫鼎
至是中者爲飛語入之疏中謂公以古鼎餉江陵相
內交然鼎故在公閣中未出也公笑指曰嘻而鼎尹
昔負而要君吾今復負而要相聞者絕倒當事爲公

理甚哲稱其剛直不諂於俗知公所繇得謗以此有
旨聽改南京公遂歸歸不踰年南北臺省交章薦公
部使者先後薦無虛歲家居十八載對郡國守吏語
不及私至爲鄉邑畫利病則纒纒不厭里人以此德
公公病瘵走羣望禱者千餘人沒無少長皆爲流涕
公生於嘉靖癸巳九月卒萬曆癸卯二月年七十一
元子麟能從龍先後各以其經冠東省士又以壬辰
同舉兩官

都察院右僉都御史蒲汀姜公璧墓志銘

陽

余繼登

中丞姜公諱璧字元卿別號蒲汀順天文安人世以孝弟力田爲德於里里長老言此其後當有興者及公生而馴謹篤學以三禮起家領隆慶庚午鄉薦明年辛未成進士卽以其年令樂安萬曆丁丑入爲河南道監察御史戊寅出按兩淮鹽法旣報命以外艱歸癸未服闋出按中州以疾歸丙戌起原官巡視京營戎政復巡視京畿兼掌河南道事大計羣吏公在西臺先後十三年始進大理右丞尋轉左晉左右少

辛卯春晉僉都御史撫治鄖陽壬辰秋有言公速
化者詔改公留都公以太夫人老不復出又三年疾
卒於正寢距生嘉靖庚子得年五十有七初樂安有
大俠王彥飛者聚黨橫里中操赤白丸報讐以睚眦
殺人它令莫敢問備兵使者行縣索之弗能得公至
召諸賊曹語之曰若輩受朕縱奸臯當成能縛王自
贖當貸若臯衆恐願自効卽共爲具飲王中酒伏健
兒急縛之公度已得王又虞有道劫者預勅尉率微
卒適之劫者猝遇尉悉駭走遂逮彥飛至庭論旣具
立斃獄中而爲赦散遣其曹悉勿問衆咸驚服在邑

五載威惠大著其按淮上也主在杜干請剔積蠹富
商倚請託爲奸利者無所容其私奸商張國用劉威
輩各以輕重伏法時淮揚饑民以其間競爲私鑄
錢法大阻商販不通百姓嗷嗷幾釀大亂公檄所司
禁私鑄而亟發金錢萬餘倉粟數千賑之始以事聞
所全活甚衆於時黃水入淮淮大溢總河大臣與撫
臣相掣肘而有司行河者率委之倖貳又有議罷范
公舊隄勿修而別開支河者公疏言倖貳權輕不如
專任守令大臣事權不一難責成功宜罷總河以其
事歸撫臣便又河口外高內下開支河則引側流之

開闢私販之路不若修范公廢堤使內水不出外水
不入外不損鹽竈之地內不傷耕植之田疏凡數百
言皆鑿鑿可行部覆如公言事竣有白金之賚中州
宗室最衆而祿最不給或有言宜開宗學恤貧宗者
下有司議悍宗陸櫛輩指是爲宗正睦樸罪鴻其黨
羣擊之因聚衆稱亂人清汭汭公時方在道聞之卽
疾馳入大梁捕其謀主袁東魯數人令武卒列伍備
非常始疏陳其狀有詔舉首惡而釋其黨中州宴然
公嘗言治太狃宜緩急則謀洩而易脫平大衆宜急
緩則黨固而難安真名言也河南贖鍰歲額四千後

漸倍之公曰此膏脂也非刑罰嚴峻何至是卒疏如
舊額雖陳東連曹徐西接亳穎故設有兵巡道彈壓
盜賊久而罷至是有議復者公言增官則增費若改
清軍道兼屯鹽而以屯鹽道移駐睢陳則事專而費
省議雖寢識者是之公之主大計也疏言五事曰急
先務精考覈禁營餽懲貪酷慎委署雖未盡用其言
而無私毀譽無徇造請時服其公矣開府鄖陽當衝
據之後推誠布公一以寬行之而不欲如東濕然地
方方賴公牧寧而公中口語歸矣公既歸猶有跡公
撫鄖時事者見一切鍰金皆儲以待餉議者始息公

豐儀偉貌鬚髯如張望之者以嚴見憚而卽之油然
可親也公嘗誦伯淳言擬拾短長以希直名有所不
能蓋終身以爲則焉

都察院右僉都御史念所江公東之傳

貴州

鄒元標

新安海內名區也故稱才數名碩項背相望以予所
覩記若吾友江念所中丞者大節凜凜可置諸古司
直中乃以用兵誦以予閔世之人不亮其初終猥從
流俗之毀譽也作江中丞傳 中丞名東之字長信
別號念所歛縣人也宋有汝剛公者由三衛來倅歛
遂寓歛長子孫其後諱汝楫爲邑諸生封侍御者卽
中丞父中丞登萬曆丁丑進士爲人魁梧倜儻初仕
行人輜軒所至咨諏詢訪不遺餘力旣官御史勃勃

有埋輪志時姦人徐爵者江陵馮閹皆倚之江陵外
言非爵不入馮閹內言非爵不出爵又以獨計令兩
人交疑且交驩兩人者不得而測其倪嚴事之夜至
禁門守衛者不敢訶問江陵歟益橫無忌公默自計
曰夫此么麼者濁亂海宇日久而保以爵爲腹心病
在腹心不治卽虛扁望之而走忿而疏爵不法狀
上怒而下爵理滿朝震悚於是疏保者疏江陵逆僕
逆黨者紛至而城社肅清矣公於是益感激 恩遇
知無不言疏王中丞宗載陷御史劉臺事王得戍去
是時王方掌院事公以副封進王笑曰柱史何言公

亦笑曰爲歾御史鳴冤王曰歾御史者誰公曰卽乃
公土踉蹌歸邸舍待罪至今烏臺譚之猶有生氣然
人人目攝公矣奉 聖書督理屯牧畿輔畿輔人聞

江御史名多咋舌去會虜蹂躪黑谷關邊臣及諸帥
掩諸路以功聞爲按臣李植糾發 上命公輟屯政
往蓋異數云重臣復有爲邊帥地者公矢心告曰東
之生平不敢負國欺君亦不敢故入博名高說者慚
而退至則諸掩飾詳密無所得聞公佯出郭外觀園
蔬青映人立命健兒取畚鍤耒掘蔬下窖歾者枕相
藉而創痕尚血漬未乾諸將始伏辜公竟據實報坐

諸將必過事大振丁御史此呂參江陵科場諸作奸
者海豐楊冢宰謂御史言過具疏參御史外謫公適
自塞上歸樓袂起曰十年來以賢書爲奸藪者人知
之冢卿獨不聞乎亦具疏參楊輿論直之時公言最
多請蠲請賑請免徭役及禁私官不能盡紀每疏出
都中爭相傳頌 上無弗嘉納也有 詔江東之盡
忠言事可嘉其特擢以彰忠讜晉光祿少卿陞太僕
少卿是時諸官輦轂下者皆江陵舊人多回面內愧
心契又恐人暴其短從旁柳榆諸少年不察遂有曹
起而擊賜環諸君者矣公曰諸臣無罪言江陵與不

再事新貴人其罪諸臣可議臣請與俱罷人遂以賞
擊公力求去 上使使至皇極門諭留亡何公又言
大略山事羣起而攻公左遷職方員外郎出知霍州
病免歸 上手詔起公知鄧州陞僉事備兵沅州尋
轉南光祿少卿入丞大理晉左少卿署卿事所平反
甚多會與銓曹異議陞僉都御史巡撫貴州擘畫多
大猷惠民有田寢鑛稅有疏障下流有堤皆其鉅者
首議建天柱銅仁二邑擒烏撒酋平高寨苗俘獲百
餘人 上聞賜金帛有差最苦心者播酋仇五司五
司在黔門庭中日苦殺戮公以赤手枵腹鼓舞數千

兵士曾不支乃其心在報國也而諸臣未履疆場乘
公致仕以文墨絕公得削籍報公遂飲恨歿嗟哉元
標兩入朝成席未煖去與公跡甚疎心最偉公者一
不能及公者二公艱子娶武林婦偵其夫固在也禮
而歸之此所偉公者也同年舒比部疫歿餘一子公
入室抱其子歸以子字之舒卒得祀丁侍御以言謫
謫言驟起公獨以身冒衆猜不計人問故曰朋友道
喪吾將以身爲餽羊此所以愧公服公無能起公九
原而拜之也

焦太史編輯國朝獻徵錄卷之六十三終